



9
10
1
2
3
4
5
6
7
8
9
20

30

崇禎壬午仲夏萬益道人智旭書

七人由之。詔各乞紙筆。時東南風起。雲霧晦冥。
其勢無聊。召八參議。自奉出塞和一二部。謀士
委夫士吉。臨垂頭蹙膝。不復與羊天同奏。安平隊
將軍王延。急遣人持符。使大舉手。欲爭事
務再更。又遣人持符。指北境。欲使突厥。突厥
內貴。卒以我滅。廿母則刀。娶妻。并剪鬚髮。持
不許。空呼悲歌。

淨信堂初集卷一

萬益道人智旭著

門人果海錄

願文

四十八願

天啓元年歲次辛酉七月三十日癸未出家名大朝憂婆塞

稽首三身圓滿尊。一切真如覺性海。稱彼法界等虛空種種莊嚴大願海。果因文徹不思議菩薩。一切修行海。亦禮阿彌陀如來。觀音勢至及地藏。我爲慈親因極恩偏憫一切衆生界。發生如實增上心。修行念佛勝方便。深信淨土攝受門。廣大誓願普皆被。妙戒

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

爲舟智慧舵。方便爲帆佛力風。盡未來際渡衆生終。
不一念捨五濁。諸佛願海如帝珠攝於我願重重現。
我願亦如摩尼王。諸佛願海悉皆攝。願輪橫徧於十
方。亦復豎窮於三際。一切智智之所乘。故我至心勤
修習。

第一願者。我本發心爲欲上報慈父鍾之鳳。生我之
恩。惟願三寶慈悲力。令我無始以來經生慈父。咸生淨
淨土。速證菩提。能令聞我名者。亦得上報父恩。第二
二願者。我本發心爲欲上報悲母全大蓮養育之恩。

惟願三寶慈悲力。令我無始以來經生悲母。咸生淨
土。速證菩提。能令聞我名者。亦得上報母恩。第三
願者。願度法界虛空界一切衆生盡成佛竟。我然後
方取泥洹。第四願者。願我姪機身心俱斷。斷性亦
無能令聞我名者。亦得永斷姪根。第五願者。願我
殺害業習滅盡無餘。能令聞我名者。徧生慈力。第六
願者。願我癡暗謗三寶業滅盡無餘。能令聞我名
者。正信三寶。第七願者。願我諸不善業悉得清淨。
能令聞我名者。安住梵行。第八願者。願我決生極

9 10 1 2 3 4 5 6 7 8 9 20

30

1

樂世界速證無上菩提。分身塵刹度脫衆生。盡未來際。無有疲厭。第九願者。願我生生世世。不忘本願。於五濁世善化衆生。第十願者。願我在在處處弘通正法。無諸魔障。十一願者。願得無量智慧。善能通達一切佛法。十二願者。願得無量辯才。開導羣迷。降伏外道。一切無畏。如獅子吼。十三願者。願得無量神通。徧至十方國土。承事一切如來。及善知識。一切海會。無不得與。十四願者。願我能出種種微妙音聲。盡未來際讚歎三寶。令諸衆生知所歸依。

十五願者。願能隨意出生種種微妙供養。供養三寶。爲諸衆生作大福田。十六願者。十方一切衆生。所有功德。我皆隨喜。令其成就無上菩提。十七願者。十方如來成正覺時。我先勸請轉大法輪。開示衆生無上覺路。十八願者。十方如來般涅槃時。我悉勸請。莫入涅槃。常住世間。饒益含識。十九願者。十方如來會中。推我爲大法王子。佛於一切海會讚我功德智慧。慈悲願力。如觀世音。如地藏王等。無有異二十願者。願以大悲光明。焰諸地獄。觸我光者。應時

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

變諸苦事成勝妙樂。二十一願者。願以大悲光明照諸餓鬼觸我光者。應時捨餓鬼身得淨土生。二十二願者。願以大悲光明照諸畜生蒙我光者。離諸怖畏捨身之後得淨土生。二十三願者。願以大悲光明照諸鬼神蒙我光者悉捨瞋心開悟佛道捨諸醜陋得清淨身。二十四願者。願以大悲光明照諸苦惱衆生蒙我光者疾病消除六根具足一切厄難皆解脫無量恐怖悉捐除無病延年發菩提意若臨命終卽生淨土。二十五願者。願以大悲光明照觸

有形無形有想無想及諸魔外令其身心捨諸邪見通達佛乘。二十六願者。願以大悲光明焰觸人天令其不迷欲樂及欣厭定各各勤求無上菩提。二十七願者。願以大悲光明焰諸聲聞緣覺令其捨無爲證速趨佛乘。二十八願者。願以大悲音聲開示一切衆生令諸衆生決定明悟不戀三界不樂餘乘惟求無上菩提。二十九願者。願以大悲神力隨順衆生種種所求恒令如願俾于我法生深信心。三十願者。我以救度衆生故願於十方現作佛身或現

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨土攝取衆生。莊嚴殊勝踰於極樂。或現穢土化導衆生。方便無量調伏惡友。三十一願者。我以救度衆生故。願於隨類現身。一一類中種族尊勝威德自在。令諸同類恭敬愛慕。如所教誨直至菩提。三十二願者。一切無佛法處。一切法滅處。一切佛法不能行處。我誓以大悲方便。現身于中。隱顯大化爲長夜燈。救拔沉冥出於苦海。三十三願者。願我恒于衆生饑渴之時。現作飲食。疾疫之時。現作藥草。寒凍之時。現作衣服。熱惱之時。現作涼風。險阻之處。現作津

渠乃至衆生一切所須皆現作之。令諸衆生若服若食。若倚若履。咸得安樂發菩提心。三十四願者。若諸衆生樂求佛乘。聞我名已。不捨肉身。得佛菩提證於究竟。三十五願者。若諸菩薩莊嚴佛土。聞我名已。其國勝妙。踰於極樂。欲現穢土。則得無量方便善化。剛強難化衆生。三十六願者。若諸衆生欲見諸佛淨土。聞說法音。我願令彼皆得見聞。三十七願者。若諸衆生欲往無數世界供養三寶。願令一念之間。普得周徧。三十八願者。若諸衆生欲生諸佛淨

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

土聞我名號。卽得隨願往生。三十九願者。若諸衆生。同我誓願。速得無量智慧方便威德。自在。四十願者。若有衆生。樂求小乘。我願令彼速登聖果。卽便回心入菩薩乘。四十一願者。願諸十方修行菩薩。聞我名號。直至菩提。永無魔事。四十二願者。願諸十方邪魔外道。聞我名號。卽捨邪見。同歸正覺。四十三願者。若有衆生。身具五逆十惡。四棄八棄。當墮大地獄中。我願以大悲心力。使知求哀懺悔。隨現勝妙色。身至其人前。摩頂安慰。令彼罪根永拔。發菩提心。

四十四願者。若有衆生。或謗我法。或詈我名。彼雖障重。我誓以平等大慈悲力。令其滅惡。速趣菩提。四十五願者。願我慈眼最極清淨。普視盡虛空界。乃至極苦之處。悉令安樂。極惡衆生。悉令賢善。四十六願者。願我印手最極莊嚴。於念念中。出生一切諸供養雲。諸珍寶雲。諸衣服雲。諸衆具雲。諸飲食雲。諸醫藥雲。諸三昧雲。諸總持雲。諸辯才雲。諸光照雲。徧虛空界利益衆生。盡未來際。無有斷絕。四十七願者。願我名號最極高遠。盡十方界。靡不周徧。乃至

法滅之處我名不滅恒令衆生若聞若稱悉得解脫
四十八願者願我色身最極微妙以不可說不可
說佛刹極微塵數大人之相而自莊嚴一一相有不
可說不可說佛刹極微塵數隨形好一一好有不可
說不可說佛刹極微塵數光明一一光明皆作不可
說不可說佛刹極微塵數色嚴飾國界皆演不可說
說不可說佛刹極微塵數聲宣揚妙法皆發不可說不
可說佛刹極微塵數香普熏一切皆出不可說不可
說佛刹極微塵數上妙飲食供養一切皆雨不可說
說佛刹極微塵數上妙飲食供養一切皆雨不可說

不可說佛刹極微塵數衣服衆具普施一切皆現不可說不可說佛刹極微塵數化佛教化一切。一一化佛皆有不可說不可說佛刹極微塵數諸化菩薩以爲眷屬。一一菩薩皆有不可說不可說佛刹極微塵數殊勝莊嚴。一一莊嚴皆作不可說不可說佛刹極微塵數廣大佛事。一一佛事皆於不可說不可說佛刹極微塵數世界利益衆生其有衆生見一佛事則得見我微妙色身見我身者則能與我平等則能速

10 1 2 3 4 5 6 7 8 9 20

30

1

受菩薩戒誓文

天啓四年歲次甲子十二月二十二日發

如是戒品。我今於一切三寶前誓願受持修學。盡未來際。不復捨離。假使持戒因緣百千萬劫。恒受困苦。誓不以苦故退失今日道心。假使破戒因緣百千萬劫。恒受安樂。誓不以樂故退失今日道心。以此學戒功德。願我及衆生從無始世來所作衆罪盡得消滅。若一切衆生所有定業。當受報者。我皆代受。徧微塵國歷諸惡道。經微塵劫。備嘗衆苦。歡喜忍受。終無厭悔。令彼衆生先成佛道。我所發願。真實不虛。願十方

三寶現爲我證。手摩我頭。衣覆我體。甘露灌頂。光明煥身。令我道心日夜增長。入諸三昧。得陀羅尼。文殊智海。念念清淨。普賢行海。念念圓成。命終之後。生諸佛前。證不思議解脫境界。普能遊戲出入塵勞。盡度迷流。同登覺岸。虛空有盡。我願無窮。歸命頂禮。一切三寶。

刺血書經然香願文

崇禎元年歲在戊辰秋七月二十有九日。地藏大士聖誕之辰。菩薩戒弟子智旭。刺舌端血。書寫大乘經。

9 10 1 2 3 4 5 6 7 8 9 20

30

1

律先於十方常住三寶前然臂香十二炷發是誓願。一者以此功德願我亡父鍾之鳳及無始來生身慈父斷於無始我執證得真淨大法生極樂土受成佛記。二者以此功德願我亡母金大蓮及無始來生身悲母斷除根本煩惱逮得最上解脫蓮華化生見佛受記。三者以此功德願我現在同行善友及過去一切真善知識皆先圓滿菩提。四者以此功德願與法界衆生破除二執。五者以此功德願與法界衆生斷滅衆苦。六者以此功德願與法界衆生得金剛身。七

者以此功德願與法界衆生淨三聚戒。八者以此功德願與法界衆生圓滿正定。九者以此功德願與法界衆生證實相慧。十者以此功德願與法界衆生發菩提心。十一者以此功德願與法界衆生得不退轉。十二者以此功德願與法界衆生歸無上覺。次復然香二炷并誦梵網戒經一卷地藏本願經一部頂禮三世千佛代爲近日水難衆生懺悔願令報障永謝不復更受業障永滅不復更造煩惱永亾不復更生。又復以上發心發願善力因緣普施法界一切衆生。

10 1 2 3 4 5 6 7 8 9 20

30

1

迴向阿耨多羅三藐三菩提願令衆生同了無二無生無得無作究竟永離一切虛妄執著達深法性會證常樂一切和南三乘聖衆

書佛名經然香回向文

崇禎元年季冬二十有五日比丘智旭書佛說佛名經畢然香發願一炷供養如是諸佛願與法界衆生紹隆佛種一炷供養如是尊經願與法界衆生入智慧藏一炷供養如是僧寶願與法界衆生登解脫門一炷懺悔無始眼根罪願與法界衆生常覩佛色一

炷懺悔無始耳根罪願與法界衆生同聞法音一炷懺悔無始鼻根罪願與法界衆生常饗法香一炷懺悔無始舌根罪願與法界衆生常宣法味一炷懺悔無始身根罪願與法界衆生服慚愧衣一炷懺悔無始意根罪願與法界衆生悟如來藏一炷薦拔父母親緣願令超脫徑登九蓮一炷保佑國土人民願令安泰信樂三寶一炷保佑常住僧祇願令永得和合說戒嚴淨毘尼一炷保佑淨業善友願令永得熏修大乘名標蓮蓋一炷保佑禪堂清衆願令不起邪思

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

魔事定慧圓明。一炷保佑職事諸師願令深求妙行慈心福慧兩足。一炷保佑比丘寂智願令更無疾病常獲精修。二炷保佑比丘道昌願令拔盡障緣精勤道品。一炷保佑一切道友願令身康祿熾正向菩提如是發心發願功德因緣普施舍靈咸生安養親覲阿彌陀佛同圓一切種智。

爲雪航機公講律然香願文

刺血書

崇禎己巳春正月十有五日菩薩戒比丘智旭爲同學比丘智穎講四分戒本然香十炷發十大弘願。一

者願法界一切地獄衆生同得解脫永不受果永不造因。二者願一切餓鬼道同得解脫。三者願一切畜生道同得解脫。四者願一切阿修羅捨憍慢習。五者願一切人道發菩提心。六者願一切天道永斷諸漏。七者願一切聲聞回小向大。八者願一切辟支發起大悲。九者願一切菩薩盡無明源。十者仰願一切如來更增法樂。又願以此功德令道友智穎蕩滌流俗知見拔除罷侗邪思赤歷歷荷擔正法不惜身命真懇懃哀憫衆生善能度脫若其從無始來至于昨日

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

所有一切惡業應受報者。智旭悉皆代受令得解脫。
所有一切善業應受報者。普施法界衆生同成正覺。
從今已去。執持禁戒。塵業不侵。嚴護威儀。蜎飛無損。
樹正法之妙幢。作人天之模範。更願智旭恒於盡虛。
空偏法界三惡道中。普代衆生受無量苦。經於不可
說不可說微塵劫海。備嘗楚毒。終無厭悔。使法界衆
生無一不成佛竟。我方解脫。以此發心發願功德。仰
願諸佛大慈加被。大悲拔濟。令一一字放無量光。一
一光炤無量國。一念之頃。悉周法界。普施衆生究竟。

法樂情與無情同圓種智

發心持呪然香文

菩薩戒弟子智旭。然香五炷供養法界三寶。發願持
念地藏菩薩滅定業真言一百萬徧。觀音靈感真言
十萬徧。七佛滅罪真言十萬徧。藥師灌頂真言十萬
徧。往生淨土真言十萬徧。次當結壇持大悲神呪十
萬徧。次又然香三炷供養菩薩比丘廣鎬大文受籌。
佛弟子道壽弘印等。伏乞同爲證明。所願如來正法
復興。末世弊端盡革。光明壽命稱性量而無量。福德

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

智慧等虛空而不空普願舍生同生安養

菩薩戒比丘廣鎬大文受籌佛弟子道壽弘印各
然臂香三炷隨喜助發崇禎二年二月廿九日

禮大報恩塔偈

同然香者
一十五衆

稽首圓滿大悲覺無量功德堅固藏普現色身妙寶
塔瑠璃衆寶所莊嚴一座舍攝法界色一色普放法
界光隨求感應不思議哀愍我等及羣生願舒無畏
大光明令我等除惡道怖出入遊戲六道中度脫一
切如幻衆願舒清淨大光明令我等除破戒垢毘尼
嚴淨最清涼息諸六道煩惱熱願舒三昧大光明令

我等除雜亂想昭了法界無分別起諸無作大神通
願舒智慧大光明令我等盡無明漏深達法性之源
底頓同妙覺無差別願舒如意大光明令我等滿隨
心願色力壽命及辯才福德名聞無不備以茲啓迪
諸羣蒙令皆歡喜發深信護持正法永不滅實義熾
然昭千古寧使身碎如微塵終不退捨菩提願寧使
永劫受衆苦終不忘失大悲心惟願莊嚴妙寶塔常
住三寶及天龍證知我等弘誓願放大光明攝受我
等爲母三周求拔濟啓

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

菩薩戒弟子智旭比丘。一心敬禮十方常住三寶。極樂世界阿彌陀佛及二大士清淨海衆。亦復敬禮現前真實善友。所謂法主月潭德師。師兄歸一籌公。比丘如是昉兄汝航。援兄佛子惺谷。壽兄印海。喻兄沙彌。一還復公。遂徵遠公。惟謙鉅公等。悉同啓請。伏願以慈善力。以悲救心。爲我亡母優婆夷金氏。大蓮隨意課持。若經若呪。若多若寡。資我亡母。設我亡母未生淨土。今令決定往生。若已生者。今令決定見佛。若已見佛。今令增長品位。念我亡母捐棄不肖。已經三

載。及省不肖已躬。曾無片德可報。慈恩實深。慚愧痛自悔責。負世間之孝道。乖出世之本期。自非衆友提攜。恐貽未來深累。惟願衆友廣苦提心。廣菩提願。廣菩提行。不惟爲我亡母。各各普爲法界衆生。經生父母。歷劫親緣。運無緣慈與同體悲。令一經一呪。功德沾沙界福等虛空。願智旭爲最後得解脫人。盡見一切衆生。皆先解脫。仰憑十方三寶淨土聖賢。現前善友。同加攝受。同加救護。情與無情齊成正覺。寶光普照。生爲母。然香發願回向文。

10.1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂初集 卷一

十四

娑婆世界。四天下南瞻部洲大明國直隸蘇州府吳縣菩薩戒比丘智旭。一心皈命法界三寶。伏爲亡母優婆夷金氏大蓮存年六十七歲。原命庚申宮八月二十七日丑時受生。於今崇禎二年六月初一日適當棄世三周之期。痛念深恩罔知攸報。敬然臂香七炷。供養十方法界常住佛。十方法界常住法。十方法界常住僧。娑婆教主釋迦文佛。及文殊普賢等諸大菩薩。極樂教主阿彌陀佛。及觀音勢至等諸大菩薩。幽冥教王地藏大士。及十方諸大菩薩摩訶薩。現

前清淨真實善友。普同供養。伏蒙一切善友各自發心爲我亡母誦種種經呪。同申薦拔。菩薩戒比丘廣德誦金剛經一卷。彌陀經一卷。受壽禮大悲懺一堂。持往生呪一千。佛名一萬。比丘道昉持大悲呪二千。佛名十萬。道援禮大悲懺一堂。持佛名二萬。菩薩戒弟子道壽持大悲呪一萬。托劉心城往生呪一萬。脫塵觀音普賢地藏各各十萬。持了喻誦妙法蓮華經十部。沙彌寂復誦大佛頂首楞嚴經一部。成遠誦金剛經一卷。彌陀經一卷。持往生呪百遍。傳鉅誦妙法蓮華經。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨信堂藏集 卷一
經一部。智旭自誦大方廣佛華嚴經一部。妙法蓮華經一部。梵網經心地品。菩薩戒十卷。又爲了喻母丁氏誦大方廣佛華嚴經一部。今同了喻於靈谷律寺大雄寶殿殷勤頂禮三世三千諸佛名號同申回向。伏願。旭母金氏與喻母丁氏罪因苦果淨盡無餘。智種福基具足無減。蓮開上品之華。佛授一生之記。悟法界藏身入普賢行海。智旭又爲父鍾之鳳母金大蓮乃至多生眷屬歷劫親緣亦爲現前善友所有。此世他生親緣眷屬廣及法界無窮無盡。一切衆生含

靈抱識有佛性者。今日悉復代爲皈依代爲懺悔。代爲悔過自新。代爲發弘誓願。盡於法界所有衆生從無始劫至於今日。一切殺生之罪願得消除。自今以去更不復造。若其定業應受刀山劍樹等苦。智旭普皆代受。令彼衆生安住大悲。一切偷盜之罪願得消除。自今以去更不復造。若其定業應受考逼酬償等苦。智旭普皆代受。令彼衆生成就大捨。一切姪欲之罪願得消除。自今以去更不復造。若其定業應受鐵牀銅柱等苦。智旭普皆代受。令彼衆生圓滿梵行。一

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

30

一切妄語之罪願得消除。自今以去更不復造。若其定業應受拔舌犁耕等苦。智旭普皆代受令彼衆生證真實法。一切飲酒之罪願得消除。自今以去更不復造。若其定業應受灰河沸屎等苦。智旭普皆代受令彼衆生得大智慧。一切貪愛之罪願得消除。自今以去更不復造。若其定業應受積寒堅冰等苦。智旭普皆代受令彼衆生永獲清淨。一切瞋恚之罪願得消除。自今以去更不復造。若其定業應受猛火燒然等苦。智旭普皆代受令彼衆生發起大慈。一切癡暗之

罪願得消除。自今以去更不復造。若其定業應受盲聾頑鈍等苦。智旭普皆代受令彼衆生滿足菩提。一切塵沙等罪願得消除。自今以去更不復造。若其定業應受種種塵沙等苦。智旭普皆代受令彼衆生究竟涅槃。以此發願功德伏願。一切地獄等受安樂。一切餓鬼等獲飽滿。一切畜生等蒙解脫。一切修羅等證慈忍。一切人道等悟無生。一切天道等盡諸漏。一切聲聞等發大願。一切緣覺等起大悲。一切菩薩等滿菩提。一切如來等增法樂。又願我等善友現在親

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

緣增崇福壽過去眷屬超登寂光。又願廣德比丘壽命無量福德無量色力無量辯才無量受籌比丘增長大悲成就大力善能化度五濁衆生道昉比丘開發深智具足神通獲無礙解得大總持道援比丘正見昭明慧眼清徹斷諸障執悟圓頓乘道壽佛子及其同行具一切智斷一切惑盡一切習滿一切行了喻佛子永離塵緣速圓梵行住持正法廣度羣迷寂復沙彌戒根永淨道力彌堅定慧圓明慈悲普覆成遠沙彌捨諸掉舉絕諸戲論成就忍力荷擔法門傳

鉢沙彌摧我見幢息瞋恚火虛懷受益品格超方天願智旭比丘生生世世在在處處常得承事供養一切善友領善友教護善友法善友成佛爲影響衆盡未來際不念疲勞仰惟法界三寶大慈覆護大悲拔濟令我所願疾得滿足普與含生同圓種智
禮慈悲懺疏

大明國直隸蘇州府吳縣菩薩戒比丘智旭同福建泉州府晉江縣比丘道昉應天府靈谷寺左住持了喻右住持寂復菩薩戒比丘如相本清真廣等至心

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

30

歸命十方三世無窮無盡一切三寶願展慈光俯垂
悲濟。旭等各各自念師僧父母眷屬親緣乃至法界
諸衆生等從無始劫至于今生迷心逐物捨善從非
造無量之惡業不知悛改受無邊之劇苦不思遠離
或雖修善業耽著有爲或雖樂無爲不知出要或雖
求出要但願小乘或雖慕大乘未達實相是用發廣
大心蓮菩提意於今崇禎二年七月十二日爲始乃
至十六日爲終相與和合一心清淨三業殷勤頂禮
慈悲道場懺法所有罪障代爲悔除所有善根代爲

回向節憑彌勒世尊釋迦慈父彌陀導師無邊身菩
薩觀世音菩薩地藏王菩薩懺法海會佛菩薩同賜
證明同加攝受令我衆等生身父母剃度師僧現世
眷屬歷劫親緣在惡道者節蒙解脫在善趣者永離
塵勞悟毘盧之性海入普賢之行門等地藏之悲心
滿觀音之慈力淨文殊之妙智轉法藏之願輪以此
廣大功德回向無上菩提盡攝含生皆沾勝益伏願
三塗息苦八難蒙恩修羅折橋慢之幢魔外裂愛見
之網人世享太平之樂修習菩提諸天盡有漏之源

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

咸登正覺盡塵沙界。普歸圓頓真宗。偏利海中。永絕

權乘名字。次願詳叙親戚
師友不錄仗此良因。悉超蓮界。又願

我等自身及諸師友。善惡知識。親朋故舊。若道若俗。

若近若遠。若前若後。若復同儕。福基昌熾。祿命增崇。

智慧開明。障緣解脫。朗戒月於中天。扇願風於八極。隆德望於須彌。濬法施於阿耨。興迦文之正法。行果與教理齊彰。闡樂土之玄猷。萬善與一行同致。偏遊沙界。不違安養之邦。備歷異生。不失圓明之解。等諸佛之莊嚴。具菩提之誓鑑。圓無邊之三昧。示無量之

神通。普與含靈齊成佛道。虛空有盡。我願無窮。惟願三寶證明功德。

持準提神呪願文

菩薩戒比丘智旭。一心歸命大慈大悲。準提王菩薩。摩訶薩智旭。向於大報恩寶塔前。爲求十二種願。然臂香十二炷。發心散持準提神呪一百二十萬徧。今更束十二願。共爲三願。復然臂香三炷。結壇持誦。神呪三十萬徧。惟願菩薩不違本願。不捨衆生。大慈攝受。大悲拔濟。令我所願速得滿足。言三願者。一願離

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

欲得通以無量神足作無邊佛事。未信者令信。信者令增廣攝化自在重興正法。俾毘尼實義昭揭中天。教觀禪那盡除流弊。靈山一會共睹儼然。淨土九蓮同期托質。工願得大福報。以無量資財作無邊佛事。上供三寶。令福田永現於世間。下濟貧窮。令四攝展轉而圓備。莊嚴尊像。四衆瞻依。修葺伽藍六和辦道。流通大藏。昭佛祖之慧命。救贖衆生普法界之慈緣。先使離困乏苦。後俾獲法喜樂。三願得大壽命。以無量色力學無邊法門。身心輕利。慧眼開明。窮正覺之。

心源竟法海之涯底。宗說二通折伏舉一廢餘之魔見。無礙四辯開導萬有不齊之羣機。讚戒讚聞。無一人不秉真說。弘禪弘淨。無一處不轉正輪。如此三願不爲自圖名利。自求安樂。自出生死。自證菩提。普爲法界衆生同具如來十號。同證涅槃四德。同至究竟安隱處。同超二種生死苦。同圓四智菩提果。同居上寂光土。仰惟法界三寶大準提王。決定以神力加被。令我現在速如所願。然後盡未來際行普賢妙行。披地藏誓鎧。代衆生苦。與衆生樂。衆生不度盡不取。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

般涅槃。如諸佛菩薩所有大智。所有大悲。所有弘誓。所有方便。無不隨學。無不具足。情與無情同圓種智。禮大悲銅殿偈。稽首圓滿大悲尊慈心普覆虛空界十方三世靡不周上弘下化無窮極陀羅尼力妙威神誦者隨求皆獲願我本仰承呪力生我父夢中曾覺悟我幼持齋甚嚴肅夢感大士曾相召我以無始惡業緣盲無慧眼從邪教破齊毀佛詬大士大士於我恒憐憫無作妙德冥加被令我終獲堅固信我今已發菩提心誓

忘身命持正法恨我障重惑業深恒與大士悲相隔有耳不聞妙法音有眼不睹妙色相不聞法性之妙香不食常樂之法味不覺自在解脫觸不悟圓融清淨法三漏三垢常熾然三德三身恒覆蔽我今哀懇發深誠願求大士恒悲救我雖具有無邊罪大士能令悉消滅我雖無有勝善根大士能令悉具足我然臂香滿十炷供養大士十界身誦持神呪滿十萬懺除無始十惡業願我永斷十惡業願我究竟十善業成就十種波羅蜜滿足普賢十大願色力智慧及壽

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

命三昧神通及辯才根力覺意及解脫令我種種皆
殊勝我願常隨大士學亦學地藏之弘誓十方菩薩
微塵願我皆隨順普修習惟願大聖觀世音自在威
神攝受我_{大難滅苦報等外大士諸令悉具我實然}
{發然香起呢文}菩薩悲心持戒具{無量異大士諸}
菩薩戒北丘智旭一心歸命法界三寶持呢神王願
展慈威俯垂折攝智旭向於佛前爲求種種大願屢
然臂香發心誦持種種神呪無奈障緣深厚煩惱重
濁雖多誦持仍糺雜想雖護淨戒每犯律儀克已省

躬實增慚懼由是重生悲切再展真誠易慮洗心懲
前創後仍然臂香七炷供養七種微妙伽陀從今十
一月初一日爲始每日誓持大佛頂首楞嚴呪七徧
又復以次持滿地藏滅真業真言百萬觀音靈感真
言十萬七佛滅罪真言十萬藥師灌頂真言十萬往
生淨土真言十萬更復結壇持誦大悲圓滿神呪十
萬次卽然香三炷最先供養地藏滅定業真言俟持
完時然後然香持靈感真言乃至大悲神呪悉應次
第供養誦持將此哀忱必求加被伏願智旭從今以

去戒根永淨。遮業與性罪皆清。定慧圓明。三昧與辯才同具。福智神通滿足。自在壽命色力堅固增長。摧魔外之邪熾。豎正法之妙幢。廣化衆生。咸歸淨土。虛空有盡。我願無窮。情與無情同圓種智。

籌比丘。又復然香三炷。代爲善友道壽道昉等供養。法界常住三寶。伏念諸佛滅後。以戒爲師。惟有如說修行名爲正法住世。丁茲末運。競驚虛名。別解脫經。罕知端緒。秉羯磨法。罔識範模。文字阿師。狂妄禪客。同爲師子。身蟲形服沙門。羈羊持律。並致魔軍侵侮。匹夫無位。請討何由。爰發勝心。誓勤守護。崇德辨惑。以疑道韜光斂迹。以待時仰願諸佛菩薩應世聖賢。杜因循苟且之心。速奏挾持匡濟之力。再補第一義。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

天重浴尸羅法日曜三塗而息苦覆六道以常安淨治三業契會寂光圓證五身福遊塵刹

庚午二月禮懺總疏

娑婆世界一四天下南瞻部洲大明國福建漳州府龍溪縣菩薩戒比丘受籌直隸蘇州府吳縣菩薩戒比丘智旭吳江縣菩薩戒比丘性泓福建泉州府晉江縣比丘道援吳江縣與學沙彌明慧相與和合一心清淨三業歸命十方法界常住三寶本師釋迦牟尼世尊毘婆尸等七佛世尊現住世間三十五佛極

樂導師阿彌陀佛毘尼法藏別解脫經觀虛空藏菩薩尊經虛空藏等諸大菩薩首唱結集迦葉尊者持律大師優波尊者翻譯流通諸大法師現前同學同行善友仰啓洪慈同垂加護籌等伏念以戒爲師乃最後之明誨因戒生定實無漏之初基憫茲末世競隳喪其綱維慶我夙緣猶獲遘於正教旣思自度復念迷流爰發勝懷同心披覽適檢閱之將終共懺摩丘然臂香二十八炷性泓比丘然臂香十四炷智旭比丘然臂香二十八炷性泓比丘然臂香十炷道援比

10 1 2 3 4 5 6 7 8 9 20 1 2 3 4 5 6 7 8 9

30 1

清信堂文集 卷一 題文 三十五
丘然臂香四炷及明慧等各各普爲四恩三有法界
衆生興無緣慈運同體悲等諸佛心發無作誓殷勤
頂禮慈悲道場懺法仰願常住三寶應世聖賢大哀
曠濟拯劫濁之沉淪神力冥資錫初心之福慧令我
等魔障消除法幢高建摧邪顯正昭法日於中天破
似立真報佛恩於永劫闡毘尼之秘旨禪那與教觀
齊彰補佛處之宏猷暗證與依文俱竄支那國裏重
追印土之風後五百年復覩初成之盛見聞隨喜沾
法利以無疆習學修持紹法燈而廣炤續釋文已墜

之緒合彌陀攝受之符又願以此功德上祝皇圖鞏
固萬姓享太平之休各酬父母深恩累劫釋三塗之
苦普與含生同歸安養

又然香文

稽首毘柰耶無漏清淨藏建立及弘通并如說行者
我今爲自身亦爲諸含識彙釋願弘傳惟垂哀攝受
弟子智旭與法界衆生從無始來至於今日迷寂滅
性開有漏門背解脫城造三業罪或不知聖戒或受
已不持辜負佛恩損折福慧致使身多病苦心繞昏

101 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

愚生逢末運。自擊魔軍。幸荷深慈。獲覩正教。復承微
善。稍達義途。由是發護法心。立弘通願。未能自度先
欲度人。又以業重障深。德涼解淺。深懷慚愧。切望護
持頂禮。慈悲道場。懺法敬然。臂香三炷。普爲國王宰
輔父母親緣。信施檀護。供養十方法界。無窮無盡。
一切三寶。伏願皇圖鞏固。帝道遐昌。佛日增輝。法輪常
轉。又然臂香二十五炷。一者供養本師釋迦牟尼世
尊。願令正法久住。二者供養過去七佛世尊。願令戒
法流傳。三者供養阿彌陀佛世尊。願得同生淨土。四

者供養藥師琉璃光佛。願得圓滿尸羅。五者供養當
來彌勒尊佛。願得常來教授。六者供養三十五佛世
尊。願得遮障消除。七者供養觀虛空藏經典。願得戒
身成就。八者供養毘尼清淨法藏。願得過犯永清。九
者供養虛空藏王菩薩。願得滅除重罪。十者供養本
尊地藏菩薩。願得轉我定業。十一者供養文殊普賢
諸大菩薩。願得攝歸極樂。十三者供養藥王藥上諸大
菩薩。願得修法供養。十四者供養金剛藏王及準提

101234567892012345678930123456789

王總持王等諸大菩薩願得大陀羅尼。十五者供養優波離持律大師願得最上律儀。十六者供養迦葉阿難尊者及翻譯受持諸大法師願得遊化無礙。十七者供養達觀可大師以報刊行大藏重振僧風之德。十八者供養蓮池宏和尚以報遺規私淑之恩。十九者供養慈山清師祖以報初緣發心夢中攝受之德。二十者供養雪嶺峻師以報接引剃度之恩。二十
一者供養古德賢法師以報證明學成之德。二十
二者供養無異巖禪師以報勸讚付梓起緣。二十三者

供養壁如鎬兄歸一籌兄以報參訂商確之力。二十
四者供養惺谷壽兄如是昉兄智度泓公汝航援公
雪航機公晏素慧公廣及未來一切同行善友願得
並扶法運。二十五者供養季賢獻師淨空妙師及一
切外護知識等願得同入法流又願一切衆生悟圓
通門證王三昧破二十五有輪顯二十五我性普與
含靈齊成佛道普使法界共入蓮邦

爲歸兄乃翁禮懺疏

大明國直隸蘇州府吳縣菩薩戒比丘智旭吳江縣

序言全刀長

卷一

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

菩薩戒比丘性泓。福建泉州府晉江縣菩薩戒比丘道壽道昉。浙江杭州府仁和縣與學比丘智穎。蘇州吳江縣沙彌明慧。泉州晉江縣沙彌傳挺。相與和合一心清淨三業。歸命十方慈父極樂導師。四十八弘誓願輪。上中下諸勝善侶願賜慈悲。同垂昭鑒。伏爲漳州府龍溪縣處士吳定係同學菩薩受籌之父。以今崇禎三年二月中旬卒於台嶺。敬將錫類之思用釋終天之恨。乃於茲日殷勤頂禮慈悲三昧水懺法席申薦拔。又復大和比丘持心經百卷。念佛萬聲。智

旭比丘誦梵網經一卷。七佛滅罪真言一千。佛號一萬。性泓比丘持大悲咒四十八徧。道壽比丘持心經大悲咒各百八徧。廣諫比丘持楞嚴咒三十徧。道昉比丘持佛名十萬。智穎比丘持七佛滅罪真言四百八十徧。明慧沙彌持準提咒三百徧。弘印比丘持往生咒一千徧。其達沙彌持大悲咒百八徧。傳鉅沙彌持大悲咒百八徧。傳挺沙彌持往生咒三十徧。金剛經一卷。以此功德同申回向。伏願受籌之父。三障消除。六根清淨。長辭八難之鄉。速登九蓮之宅。又願受

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

籌比丘孝同地藏頓令地獄皆空悲等迦文常在娑婆化度無緣慈不捨一切同體悲專愍剛強破盡樂獨善寂之餘習發起無礙莊嚴之辯才。又願我等善友生生世世爲影響衆承事彌陀於安養昭明正法於濁邦恭惟三寶證明功德

庚午安居論律香文

稽首真如清淨性具足圓滿無減修學無學地諸功德及我同欣梵行人願興同體大悲心愍此沉淪迷倒世重昭正法善毘尼徧破衆生惑業苦弟子智旭

普爲四恩三有法界衆生求於諸佛無上菩提正法輪故專心披閱昆尼法藏彙輯要詮使諸學習又以業重福輕障淺慧淺染心易熾淨德難成性罪僅持遮罪多犯言之似易行之實難自淑未遑利人奚望是以重增慚愧思更策新敬然臂香四炷供養法界三寶及現前善友發於十種增上誓願一者盡於法界一切衆生有一未捨姪業未忘姪法未絕姪緣未斷姪因我終不取正覺二者盡於法界一切衆生有一未捨殺業未忘殺法未絕殺緣未斷殺因我終不

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

取正覺三者盡於法界一切衆生有一未捨盜業未
 忘盜法未絕盜緣未斷盜因我終不取正覺四者盡
 於法界一切衆生有一未捨妄言業未忘妄言法未
 絶妄言緣未斷妄言因我終不取正覺五者盡於法
 級一切衆生有一未捨兩舌業未忘兩舌法未絕兩
 舌緣未斷兩舌因我終不取正覺六者盡於法界一
 切衆生有一未捨惡口業未忘惡口法未絕惡口緣
 未斷惡口因我終不取正覺七者盡於法界一切衆
 生有一未捨綺語業未忘綺語法未絕綺語緣未斷

編語因我終不取正覺八者盡於法界一切衆生有
 一未捨慳貪業未忘慳貪法未絕慳貪緣未斷慳貪
 因我終不取正覺九者盡於法界一切衆生有一未
 捎瞋恚業未忘瞋恚法未絕瞋恚緣未斷瞋恚因我
 終不取正覺十者盡於法界一切衆生有一未捨邪
 見業未忘邪見法未絕邪見緣未斷邪見因我終不
 取正覺惟願法界三寶以本誓願力當證知我哀憫
 借善友以同修等如來之淨滿契一心之萬行會九

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

界以歸元虛空有盡我願無窮情與無情同圓種智爲母四周然香文

稽首大孝尊孝順至道法及一切三乘同修孝道者我以哀懇心爲母重發願願法界師友咸垂慈護持弟子智旭自惟居家多染世孝非真捨慈母以披纊擬克果而廣濟無奈惑業障深慧行福淺未盡三心罔遵二利既虧就養之無方復恣負債之受用撫心自慚對衆多愧是以倍增惶悚再瀝丹忱因先慈棄世四周修稱性無作四誓啓善友同體之悲作淨土

增上之行於是菩薩戒比丘大獻念佛一萬大和持心經百徧往生呪三百徧念佛一萬弘奏持心經百徧往生呪三百徧念佛一萬性泓持大悲呪百徧往生呪五百徧念佛一萬大通持往生呪一萬念佛十萬八千道壽猿往生呪一萬廣諫持楞嚴呪十四徧道昉持大悲呪百徧念佛十萬八千比丘弘明持大悲呪百徧念佛一萬與學比丘智穎持心經百卷念佛十萬沙彌明慧禮拜千佛名經一部持梵網經三十卷往生呪二千念佛二萬傳鉅持法華經三部念

佛一萬傳。挺跪誦金剛經三卷。念佛十萬。五戒弟子成宿念佛一萬。傳澄念佛一萬。共結契於蓮邦。同莊嚴於法界。智旭乃向十方三寶及一切善友前敬然臂香九炷。要九界以同歸伏願。三塗息苦。八難超昇。六道齊資。三乘會極。斷修惡而徹悟性惡之門。稱性善而圓滿修善之量。以此功助悉皆回向。令我悲母慈父無始親恩。並證寂光速躋正覺。又願大獻比丘。了悟一心圓滿萬行。廣攝含識。同往樂邦。大和比丘。解脫客塵。清淨緣障。光明戒體。早達心源。弘奏比丘。

三心圓具。四悉領益。離邪僞因。獲正信果。性泓比丘。發大乘心。破習俗見。棲神淨域。矢志深修。大通比丘。明識是非。了辨邪正。生出世慧。斷無明流。道壽比丘。戒乘俱急。焰耀昏衢。福慧並隆。津梁刦濁。廣諫比丘。福基昌熾。慧命滋培。了達世相。圓成淨業。道昉比丘。慧力昭明。慈心普覆。辯才成就。威德尊崇。弘明比丘。遵修佛語。遠離魔事。定慧莊嚴。惑業永淨。智穀比丘。正見日開。情染頓落。追踪往哲。砥柱狂濶。明慧沙彌。夙業冰清。戒身早復。增長智慧。堅固道芽。傳鉅沙彌。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

滅除瞋蓋折伏慢幢悟入深經發明妙行傳挺沙彌。永斷偷心盡祛邪見克臻無逸允恢衆心成宿淨人識情開朗道念增明攝護威儀進修福慧傳澄淨人成就正品發起深心篤志修持遠離惡友又願諸友生身父母歷劫親緣同遊四德之城悉入二嚴之地又願智旭恒與諸友爲影響衆諸友成佛請轉法輪佛欲涅槃請久住世佛入滅後護持正法於像末季重使昭明乃至一切未發心者勸令發心已發心者令其成熟已成熟者令證真實盡衆生界成正覺我

始自取般涅槃仰願三寶證明攝受

爲父十二周年啓薦拔文

菩薩戒弟子古吳比丘智旭泣血稽額同修淨業一切上善勝友座下伏爲先嚴捐世已經十有二年負債出家方宜自救不了茲冬十一月初五日爰屬諱日預于六月二十九日對三寶前敬然臂香三炷供養善友知識殷勤啓請廣運慈悲同垂濟拔佛名神呪經律懺悔隨意樂爲悉資淨業功沾沙界果極法身無任哀祈肅茲徧叩

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

結壇水齋持大悲呪願文

崇禎三年庚午

稽首大悲覺圓滿陀羅尼觀世音自在及法界三寶。我今服上齋持此妙章句廣發諸弘願惟垂哀護持弟子智旭自惟障緣深厚慧力衰微行濁言清始勤終惰負生我之重恩昔慈尊之明誨四十八願僅托空言一十二求罔希實果悠悠歲月病與業而俱增罔罔胸懷忘與形而並邁捫心扼腕驚慮悽神重策舊圖思收新益言念智旭七歲斷肉未知出世正因十二學儒乃造謗法重業賴善根之未絕每潛轉而

默移一觸念於自知之序次旋意於寂感之談禮藥師經典而知佛與神殊聞地藏昔因而知道從孝積既懷喪父之哀復切延慈之想書慈悲懺法矢志尸羅聽大佛頂經決思離俗甫捨母以披縉誓剋期而取果無奈夙因力弱現行惑強觸境多乖反躬無似又復喜談人過鮮克已非每忽人長不知已短雖則時時發願亦復數數廢忘雖或猛厲自訶亦復糾回自弛身汨浮沉之浪云何度他心纏愛見之絲云何脫彼是以今者再瀝丹忱追補昔願蓋自已已之春

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

已立誦持之誓。及至冬十一月。又懺往而整來於今。
呪數雖完心仍未淨。豈不重增慚愧。更可悲哀。敬對
十方三寶大悲菩薩。然臂香十炷。結七七淨壇。以十
一月初五日爲始。至十二月廿五日爲終於其中間。
至心誦持大悲圓滿神呪十萬八千。以此功德必求
加被。伏願智旭從今以去。戒根永淨。遮性無虧。定慧
齊彰。寂用自在。圓福聚而普攝。衆生發辯才而悉降
魔外。根本差別。二智俱明。祖意佛心。一時頓契。悟性
具之神通化流無外。轉色身之壽命道洽無疆。中興

正法。人人遘靈鷲真風。畢度含生。各各除同業妄見。
剖大千經卷於一塵。移極樂莊嚴於此土。三塗苦息。
九品華敷。共睹須彌毫相。同瞻法界藏身。四恩總報。
三有均資。情與無情。同圓種智。惟願慈悲。速垂感應。
爲父然香回向文。

歸命無上尊。及以寂滅法。解脫衆僧海。同垂哀護持。
弟子智旭。二十喪父。未伸孝養之懷。廿四出家。復缺
繼嗣之典。本期普利塵沙。奚止願超九世所恨業障。
深纏克果。莫就追思。因極遺恨終天。由是於六月二

10 1 2 3 4 5 6 7 8 9 20

30

1

十九日。然臂香三炷。啓道友多人。各自發心。並持經
呪。共計阿彌陀佛洪名七十一萬四千。藥師佛名一
萬。觀音菩薩名六萬四千。心經一千二百卷。金剛經
一百三十四卷。法華經七部。梵網經五卷。圓覺經十
卷。彌陀經九十。地藏經十部。行願品十五卷。安樂行
品十卷。藥王本事品十卷。楞嚴神呪十卷。呪名十一
萬徧。大悲呪四千七百餘徧。尊勝呪六百十徧。往生
呪一萬二千一百餘徧。準提呪一萬一千一百徧。木
餓一部。智旭亦自持梵網經五卷。楞嚴法華各一部。

大悲呪靈感呪滅罪呪藥師呪往生呪滅定業呪準
提呪各一萬。阿彌陀佛十萬。地藏菩薩十萬。觀世音
大勢至清淨大海衆菩薩各一萬。仍於十一月初五
日十二周年之次復然臂香三炷供養法界三寶。耑
申回向。伏願亡父鍾之鳳速昇淨界。早悟寂光等阿
彌陀之法身。同觀世音之慈力。證大勢至之智光。滿
地藏王之悲願。又願過去父母歷劫親緣。咸會常樂。
永離妄緣。又願現前善友。各能福慧齊隆。自他兩利。
共報慈恩。同合悲仰。又願智旭。亡身爲法。正法重興。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

十 佛季捨已從人友人悉入於正修摧魔外之邪熾
拔愛見之苦輪恭惟三寶證明攝受

爲惺谷持呪發願偈

稽首正徧覺定慧莊嚴尊三藏正法輪療衆生諸病
悲智相應士覆護衆含靈總持大明王救拔末刦者
我今普歸依爲友發弘願持於滅定業各各滿萬聲
地藏摩訶薩慈願中最勝願加被道壽令遠離見境
定水持慧舟速達薩婆海共度諸含識同生極樂邦

智旭德本道助果海大和各一萬炤本普戒定猷圓果各一萬智旭又於壇中持一萬共滿十萬

楞嚴壇起大悲呪偈

崇禎四年辛未五月初六日

稽首大慈悲救護末刦者我以菩提心願重興正法
持呪密加持願正法久住我念末刦苦破戒爲第一
我思救苦方無越毘尼藏毘尼若住世正法永不滅
行成果斯尅教不屬虛言或因持戒力速成淨滿尊
或因淨尸羅嚴淨諸佛土或因別解脫離苦得涅槃
隨於緣諦智作獨覺聲聞或因善戒力生禪及天道
亦作人中勝福樂好名稱如是差別果皆由戒所得
近果說差別究竟歸一乘如是勝妙法我欲令昭明

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

昔度長夜中無依無怙衆故以一百日棲身清淨壇持於圓滿兜具足十萬輪又爲蓮居期增持一萬徧又求五種願壽康福慧持別持減定業滿足五萬徧我至圓滿時當然香十六共廻向菩提同生極樂國爲惺谷作誠語誓

五月十七日

佛於一切魔難但作誠語誓魔難卽除蓋誠語足以動天地格鬼神心言直故永無諸委曲相如來豈欺我哉今爲惺谷道壽作誠語誓若惺谷道壽實能破除我執實非強辯飾非實以婆心爲人實能好善不

倦者此病必應速愈若實假借佛法志圖名利喜順惡逆非真學道者此病應更甚以作後人永誠又復素華智旭生平實不會與一切男女作不淨行及如是道昉實以導師心相依道壽者此誓必靈若智旭道昉事悉虛者此誓乃虛仰願十方三寶護法天龍證知此事

爲道友持減定業真言偈

六月三十日

稽首地藏王最勝慈悲王及法界三寶哀憫劫濁者我念末法苦衆生乏良導失於正知見誤入魔外林

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

誓發菩提心重典佛正法救護諸含識復念自力微
仰賴諸善友一心同拯濟故以至誠意爲四真知識
各持滅定業滿足十萬徧願道壽比丘以此功德力
福水載慧舟安隱達智海願受籌比丘以此功德力
大悲熏其心不復樂獨善願廣鎬比丘以此功德力
荷擔正法輪具足勇猛願願道昉比丘以此功德力
慧眼速開發通達諸法藏願智旭比丘以此功德力
常與諸知識而爲影響衆同生極樂國同遊華藏海
同化諸衆生同歸無上覺我至圓滿日當然香四莊

供養法界尊令我願速滿我持此願行及餘諸功德
一切衆生速得成佛道

爲新伊法主持呪偈名大真

稽首尸羅海圓滿淨持人及以初修者學無學聖衆
亦禮地藏王慈願不思議住菩薩實地現相作聲聞
振錫握明珠普救地獄苦說無上妙呪能滅諸定業
我今體大士悲濟末劫心持此真言行攝諸善師友
同扶已墜輪令得重昭顯已爲籌鎬士及壽昉比丘
合扶十萬徧願各滿所期復爲真法主專持於十萬

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

願益其大悲及開發大智福德與名聞色力并辯才
同時得增長廣化舍識彼受大戒時曾傳王光
紹隆佛正法今正是其時仰願地藏王加被令成就
我當然香炷回向無上乘共一切衆生成生極樂國
爲五人持呪偈

歸命能仁父哀愍羣生者歸命毘柰耶保任解脫者
歸命地藏王現聲聞相者亦禮盡法界一切三寶尊
我以慈善心護法度含識欲令正法輪住世常不滅
持於滅定業無上妙真言為三比丘衆及與二沙彌

各滿於四萬願得無上乘瑩然珠比丘已得教乘旨
多聞能總持尚未降煩惱自旣未善調云何調一切
故爲持四萬願彼行解齊猶如智大師及以荆溪等
觀智獲昭明白他兩俱利去病知比丘已懼因果事
持信捨世榮爲衆生觀望未達實相慧障緣猶數侵
故爲持四萬願彼道眼明種種諸功德會歸一乘道
不復樂娑婆淨業化一切初平海比丘柔順亦勤修
一心依我學欲通諸法門慧眼尚未開豈達根本趣
故爲持四萬願彼正信堅以廣大深心得法海源底

9 10 1 2 3 4 5 6 7 8 9 20

30

弘演毘尼燈自炤炤一切遂徵遠沙彌聞持稱第一
慧性亦融通習染偏難治且無千古識志大業難成
故爲持四萬願彼剛骨成脫盡流俗見淨除煩惱情
速成廣大士法雨潤羣生了因果沙彌淳善無邪僻
給侍獨辛勤淨業能自勉福慧兩未生壽命亦未保
故爲持四萬願彼夙業除道芽日增茂正智日開明
福慧得延長化度無邊衆復以此功德及各自善根
共廻施衆生同生極樂土見佛悟無生分身塵刹海
九界悉皆空共入如來地

爲惺谷懺願文

稽首降魔出有壞清淨圓滿實相海善勝諸怨解脫
僧地藏慈尊滅定業願施無畏大光明同賜哀憐垂
拔濟比丘智旭代爲比丘道壽至心懺悔念道壽比
丘及法界舍識從無始劫至於今生迷本淨覺隨妄
習情貪瞋邪見殺盜婬欺六根三業無惡不爲五逆
七遮無罪不造致使長淪生死深溺邪途今雖得預
人倫又復重作諸過逮於信向三寶尚起衆失因緣
擅嘗住權誤用僧物以居士身受出家侍福罰沙彌

10 1 2 3 4 5 6 7 8 9 20

30

逼難淨衆。但知敬上。不知慈下。縱書生之體態忘執務之辛勤。遇順境則多生溢喜。逢逆意則每發劇瞋。察人過則吹毛求疵。護己短則多方解釋。雖小恩而思報。亦小怨而不忘。多慮多疑。多言多議。且復自負宗乘。眇視教律。口雖稱讚。身不習行。自視則天下無雙。視人則長必有短。如斯過惡難可具陳。是以感茲現報。心亂癡狂。行止乖方。語言失次。設不代爲餓雪。捨身知更何趣。今遇滅定業神妙真言。速能滅除。如是惡報。故於今日至心誦持。再十萬徧。然臂香三炷。

歸向地藏王菩薩及一切三寶。發菩提心。修真言行。爲道壽比丘及法界含識。發露衆罪。求乞懺除。惟願地藏王菩薩摩訶薩。不違本誓。速賜加持。且道壽罪障。雖深善根亦厚。所謂好善不倦。殷勤護法。信有因果。弘讚教律。親師取友。婆心爲人。此等善根。應難埋沒。亦復棲心淨土。歸向彌陀。今雖惡力緣強。善根隱伏。惟地藏菩薩及法界三寶。慈願護助。必能挽回。倘道壽無量劫來。所有極重惡業。決不通懺悔者。智旭以菩提心。以菩提願。悉當代受。惟願道壽。從今日去。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

正念現前邪習永斷。倘諸緣未盡則早就輕安。若大限難逃則徑歸安養。又願道壽從今以去直至菩提必能三學階修。西悉普備。乘圓頓輪廣度一切。尅盡餘習速證圓常。

然香回向普發願偈
歸命究竟明行足顯密圓融清淨輪種種方便勝修行學無學地諸功德我今具足慚愧心及以增上菩提意然香悔過發弘願回向無上寂滅乘我從五月初六日入壇持呪護法輪誓滿十萬無減缺願得毘

尼久住世。呪雖數足心尚雜威儀未淨內懷憂惱自未度脫欲度他願雖可發事難濟故然臂香十炷足懺我三業十惡根仰體如來十句義結戒說戒令法行又爲蓮居勝講期已持大悲一萬滿故然臂香復一炷加被道場無障緣又爲自身求五願壽康福慧及聞持持滅定業滿五萬然香五炷願如心又爲新伊真法主持滅定業十萬足故然臂香復一炷願令破執善弘經又爲道壽比丘病前後共持二十萬故然臂香復一炷回向令生極樂邦又爲受籌及廣鎬道

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

昉比丘三勝友各持十萬悉滿足然香三炷發深誠
福德智慧及威神三昧總持及辯才壽命色力並增
崇與我同心扶法運又爲智珠及正知果海比丘三
新學成遠圓果二沙彌五人共持二十萬然香一炷
爲求哀各得圓修福慧道又爲弘鎧優婆塞發心欲
持十萬徧然香一炷爲求哀願令慧眼常清徹消除
障難得修持自利利他恒滿足又爲報恩繼志心追
薦已往度脫心勸請轉法隨喜心懺除邪謬悲救心
爲諸友朋弘濟心爲諸檀護弘法心從來緣會慈念

心欲持三百二十萬故然臂香復七炷令我七心皆
得成過去現在及未來僧俗恩怨及平等以茲神呪
功德力各隨本位得殊恩或增光猷或除邪或脫苦
輪或益樂或雨法雨潤羣生或興福業濟含識或除
病苦或益壽或得資生如意修或悟正因導諸有或
開慧眼破羣疑共扶律法使昭明同契樂邦弘廣願
惟願觀音地藏尊法界三寶垂攝受

爲雪航持呪偈

稽首丈夫調御尊無僞無曲真淨法正直修行解脫

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

濟公集卷一
僧及以地藏大悲士我爲道友發勝心加被雪航機
開士持滅定業十萬輪願令得大無畏力拔除無始
戲論習斷滅多生虛假習降伏一切我慢習解脫無
邊貪染習永離名利護正法克忘身見度衆生增長
無漏正知見重復尸羅清淨體三昧神通隨念成慧
眼辯才深入法色力壽命及威神福德聞持悉殊勝
出生荷擔正法心具足悲愍刻濁意以無詣誑清淨
業攝念佛人歸淨土如是願海不唐捐故我歸命求
加被仰惟地藏三寶尊同賜哀憐垂攝受

續持回向偈 壬申正月初八日

稽首善逝尊無上顯密藏三乘賢聖衆地藏大慈者
我以大菩提最初清淨心普爲諸恩有持滅定業兜
始以七種願同匡正法輪三百二十萬先已得圓滿
次爲諸善友續持四十八各別爲回向令滅諸定業
願諸善友衆怨親及平等隨其本住位得悟解脫門
若有禪思士善入諸三昧不起增土慢恒修勝法忍
若有誦持經深達真義理如說得修行開導諸含識
若有營衆福資具悉隨心因果無迷昧莊嚴無上乘

1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

若有住淨戒轉復增明淨爲人天導師三輪化一切
若有戒已汙速得歸真淨輕重等金剛浮囊無少洩
若有未住戒速發增上心誓秉佛威儀尊重正法教
若有毀重禁願令發深慚拔除罪犯根速達無生理
我今然香炷供養三寶尊亦供地藏王文殊及徧吉
觀音大勢至藥王藥上尊虛空藏金剛彌勒千大士
迦葉優波離阿難聞持最馬鳴及龍樹無著與天親
達磨南獄思智者清涼觀玄奘及宣律慈雲并四明
永明大導師達觀憨山祖蓮池及妙峰皆悉同供養

願智旭比丘及法界舍識滅除一切業重典正法輪
毘尼日昭揭義天淨無雲塔廟悉興崇舉世恒瞻仰
墮諸蔑戾車畢入如來地又然香三炷悔三業諸惡
從今誓永斷起無作善根敬依占察經擲輪決疑惑
亦以此妙法流通益世間若我夙善根應作釋迦臣
及爲地藏尊菩薩闡提業願示吉祥輪令我心安隱
我誓以身心奉上地藏王隨於剎塵劫永處衆苦中
普代衆生苦令得先成佛劫石或可移此願終不改
惟願大威神哀愍恒攝受一切獲隨心不退菩提種

9 10 1 2 3 4 5 6 7 8 9 20

30

1

淨信堂初集

卷一

四十一

我所修福業懺悔發弘願種種勝善根體性同法界
一一皆回向普施諸含識悉願證真常同歸寂光土

淨信堂初集卷一

畢

弟子陳淨柱捐貲僭成初卷上願

先父陳嘉祥先母施氏先姐熊門陳氏杜門

陳氏亾弟陳士遜同證寂光下願淨柱早捨

塵緣親侍

巾瓶克除多生習氣業障共入廣大圓滿願海

淨信堂初集卷二

萬益道人智旭著

果海錄

願文

龍居禮大悲懺然香文

壬申二月十九日

歸命炤世燈真實出要法顯密不思議破愛見網者
歸命衆生父慈願無比尊帶果示行因住不思議者
歸命降魔外忿怒大明王真實勝慈悲調伏難調者
我今發弘願修行大悲心誓斷惡修善廣度一切八

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

敬對三寶尊及觀音大士。然頂香四炷陳白自深心。
仰願慈悲魔王三輪不思議加持無障難令早獲菩提。
弟子智旭自惟障緣深重罪過多端惑染既殷業累
斯積未歸信前已造無邊邪謗雖學道後尚纏無量
愆尤四誓秉懷固欲並乎往哲七支身口每負墮於
前賢良由智光昏暗故使力不從心亦復福運衰微
遂致惡翻勝善內因力弱外感復訛羨羊徧處於域
中野犴爭鳴於大地不惟乳雜水而飲者增病方且
毒爲食而嘗者喪命適欲自他俱療堪嗟緣助俱懼

是以痛心疾首哀告慈尊一期方便三七熏修供養
讚禮行道持明懺悔回向求願護持錫我初機速圓
福慧秉如來之正教豎出世之妙幢法日高懸燦羣
昏而並朗慈雲普雨潤衆槁而悉榮蔽螢火之穢光
蕩牛跡之濁水再闢義天同歸性海願我同行以及
檀那外護諸賢見聞大眾各秉深志共策玄猷清性
遮而畢淨嚴篇聚以無虧從十支而徧遊百十三昧
由三慧而通達一切總持五分嚴身四攝利物摧愛
見之根株破魔外之赤幟除微細之法執悟無諍之

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

真源滅戲論愚作師子吼。又願現前衆等。徧及含靈。資生衆具學道因緣。固不隨心悉能滿願化三毒爲三脫轉六道爲六通。觀淨土於目前。證菩提於當念。性修不二。具種種之行門。理事交融興重重之法化。濟饑虛而同飫醍醐拯劫濁而頓歸清泰印彌陀之願。璽滿自在之悲心情與無情咸臻常樂。

靈峰寺爲惺壁二友及石峩禮懺文

稽首慈悲同體尊。拔苦與樂滿分覺功德相好勝名聞。一切衆生最勝友。我等同興最上心爲諸過去同

盟士。及以現在外護人。頂禮頂禮無邊際。仰白釋迦慈父三千世。尊彌陀導師十方善逝。妙法蓮花經。衆法之王。觀音地藏尊賢聖中。最運慈悲俯垂昭鑒。我比丘受籌及與智旭。心見大機。智潛弘果果海如清大建智淳等諸比丘僧。智嚴智源祖山戒周圓果常樂傳澄等諸沙彌衆。現住東震旦大明國浙江省湖州府安吉州孝豐縣靈峰山百福禪院。伏爲亡友菩薩戒比丘天台廣鎬溫陵道壽。又爲現在叢林主人抱病菩薩沙彌大頑。普運慈心。共興勝意。相與和

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

合一心肅恭三業。如法朗誦妙法蓮華經。王殷勤頂禮三刲三千諸佛。以茲功德求願加持。切惟廣鎬比丘雖捨官而入道。然悲願未深淨心尚雜。道壽比丘雖正見而出家。然律學未習夙業猶牽。於今捨報知復何趨。旣嗟法侶無人。仍恐往生莫保。復念祖石天祐玄津無異大會示權等諸導師戒宗碧峰濟川湛明瑞光一相敘菴芥菴抱一雪炤等諸耆宿心默六如淨因空明水齋自天愧之碧虛月心曇萌含虛惟白一等諸友人。朱白民趙凡夫林如冲陳熙唐戴

同玄林不二袁無涯鄭白山陸戢夫薛孝緒孫爾式吳美之等諸善信。以及各各父母師長親緣眷屬。上中下座同學知識。已過世者。善惡業異果報差殊。然皆未斷見思。未超有界。出死入生。昇沉靡極。今日至誠代求拯拔。伏願廣鎬道壽并諸衆等。於一稱一禮中。頓除三障。於一字一句上。悉悟真乘。法法歸圓。永離客作之誚。佛佛授手。並膺真子之稱。卽同居而寂光華開上品。卽彌陀而徧炤果極法身。次念大願沙彌棄應歸禪。重興蓮社。雖破戒犯齋錯因昧果。現生

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

之惡業洪深而任怨任勞不覆不退。一念之善緣亦厚乃纏奇症備受苦辛。固或轉重而就輕尤望速痊以慰衆所願。圓音初唱罪因與苦果齊消。聖號纔稱福運與慧根同長。共襄法化轉邊地之邪風咸守毘尼挽末世之頽運。又願現前大眾以及行人如法安居遠離魔障。正信昭明送想於華池寶地淨行成就不落於見網愛坑顯正摧邪寒魔外之心膽。趁期取果履前哲之規繩。又願五緣克備四攝常修三學圓成二嚴並足須摩境現於目前金色華敷於捨報恭

于法界三寶印知文疏

結壇持大悲呪偈

壬午四月十五日

歸命施無畏大悲救世尊神妙密輪及一切三寶我弟子智旭夙業深如海淪茲五濁世不睹正法時以昔微善力翻邪歸正信剃髮著袈裟誓取菩提果薄福淺良緣罕蒙師友訓努力勤禪定失方便調身遂感奇病苦半身恒楚酸雖云四大患實由三毒起今故自慚愧尅責以求哀然臂香三炷結一七淨壇持大悲一萬願得早痊除我若蒙康愈永離痛苦者

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

普當勤精進護佛正法輪不惜身命財惟宣一乘教
廣破魔兵衆悉摧外道幢盡度諸迷流同歸寂光土
我深心弘願惟佛自了知及觀音大士愍念恒觀察
我今以身心奉上三寶尊恆願平等悲究竟垂加護

結壇持往生呪偈壬申五月十六日

稽首無量壽清淨平等覺拔業障根本無上陀羅尼
觀世音勢至海衆菩薩僧我迷本智光妄墮輪迴苦
曠劫不暫停無救無歸趣劣得此人身仍遭劫濁亂
雖獲預僧倫未入法流水目擊法輪壞欲挽力未能

徒切法臣悲莫穢魔外膽良由無始世不植勝善根
所有^二提心恒爲幻緣阻今以決定心求生極樂土
脫此最苦鄉遊於慈願海乘我本誓船廣度沉淪衆
我若不往生見佛聞真法不能滿所願自在化衆生
是故於娑婆畢定應捨離猶如被溺人先求疾到岸
乃以方便力求決生安養終不樂人天及以二乘樂
然臂香三炷結一七淨壇專持往生呪惟除食睡時
以此功德力求決生安養終不樂人天及以二乘樂
惟以同體悲普攝法界衆同覲阿彌陀及觀音勢至

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

若我退初心不向西方者寧卽墮泥犁令疾生改悔
誓不戀人天及以無爲處仰願大威神力無畏不共
三寶無邊德加被智旭心折伏使不退攝受令增長
我若蒙加被淨業克成者則能忘身命重轉正法輪
化諸蔑戾車共入如來地是故竭哀忱望佛垂光炤
結壇念佛回向文

稽首阿彌陀諸佛護念法淨土者賢聖惟垂哀攝持
弟子智旭自惟無始以來迷常得理失智慧明背自
性而枉受輪迴取妄心而永違真境幸善根之未殞

投正教以捨家慚宿習之深濃熏三昧而固就雖矢
心淨域誓出苦輪奈機感不專聖應莫顯悠悠歲月
罔罔襟期可痛可悲無洲無渚今依釋迦誠訓七日
持名用投無量慈光一生求度以六月十六日爲始
至二十二日爲終棲身淨壇專稱洪號若定若散有
記無記仗佛悲輪功無唐棄願以此功德及餘諸善
根共一切衆生悉回向安養所冀現生之內魔障消除
捨報之時正念決定一剎那頓生如來前受菩提
記滿本願輪乘神力而莊嚴刹海依弘誓而廣度沉

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淪九界四生悉蒙化益。三塗八難同脫幽冥。虛空有盡我願無窮。法界含靈並臻常樂。

禮金光明懺文

八月初八日

稽首金光明性海。滿分修證無量尊。我今欲護正法輪。願示吉祥令成就。比丘受籌智旭心見弘果果海大建爲法界衆生發菩提誓願。相與和合一心肅清三業。各捐衣鉢微貲。共建吉祥勝懺。仰叩洪慈俯垂哀鑒。言念某等雖稍承夙善。獲預僧倫。然久積障緣。仍丁法亂。哲人凋喪。欲承侍以無從。魔外縱橫擬糾。

正而無力。又復福運衰微。助緣缺乏。安身辦道。猶慮未遑。弘法利生。豈能無礙。是以同懷慚愧。並瀝肝心。懺無始之苦。因拔今生之報果。惟冀釋迦慈父最勝經王。信相等諸大菩薩功德等一切尊天。運同體之慈悲。作無緣之與拔。我等今者以真實心。以真實語。如實邀請功德大天。令我所求不違本願。我等不爲自求安樂。自享利名。自出死生。自生淨土。但爲供養三寶。轉正法輪。廣化衆生。咸超樂國。裂魔界之愛網。摧外道之見山。興釋迦已墜之緒。合阿彌攝受之符。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

若三寶體性是真實者。吉祥尊天於釋迦佛前所發擁護行人誓願是不誑者。決能憫我凡愚速垂感應使我五緣克備四事隨心莊嚴寶像俾見聞瞻禮者悉種緣因敷演真乘俾灑耳沾神者皆蒙勝益。護持同行恒修正法毘尼救贖生靈畢獲真常解脫以茲妙善普報四恩稱此等心均資九有轉蔑戾車地宛同印土之風挽末法頽波復覩初成之盛又願現前衆等以及行人戒珠朗握炤塵刹以無遮慧日昭明達性修之一致身心安樂進道有日新之功魔障消

除舉動收自他二利又願十戈永息國運昌隆風雨順時萬民和樂又願無始冤親頓離二死之海十方含識會歸四德之城某等今日所有誓願悉如十方諸佛大地菩薩所發誓願虛空可殞我願不移恭惟釋迦文佛最勝經王信相菩薩功德大天真實證明哀憐攝受

又完懺香文十四日

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

弟子智旭自惟無始以來。至於今日。迷金光明法性之海。造貪瞋癡生死之業。積集長夜。枉受貧窮。既獲人倫。仍丁法亂。雖忝僧數。恒乏道緣。欲自修而無方便。三昧難成。擬化他而缺福嚴。四攝奚始。良由夙業敢不自慚。今幸得遇金光明海最勝經王。吉祥妙懺。拔三障以無遺。第一威德大功德天成就衆事。隨所求而必遂。是以敬捐衣鉢。邀請同仁。共建七日淨壇。相與六時行道。盡我微誠。懇求慈應。復於道場圓滿恭然臂香五炷。一者供養釋迦文佛。盡金光明經中。

及十方三世一切諸佛。二者供養大乘金光明海十二部經。三者供養盡金光明經中及十方三世一切菩薩緣覺聲聞賢聖僧。四者奉爲光明會上一切護法天神供養三寶。五者奉爲大功德天供養三寶。惟願功德尊天真實語者。不違本誓。滿我所求。俾得良緣修行正法。上弘佛道。下濟含靈。增益諸天。摧伏魔外。同生淨土。悉證真常。

結壇禮大悲懺文 九月十六日

歸命圓通。聞性海果。因交徹大慈悲。總持無礙妙伽

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

陀願賜哀憐垂攝護弟子智旭與法界衆生自迷覺性恒處昏蒙眼隔圓常之境耳違微妙之音未知出要時枉役聽聞之用既思求道後反虧聰利之功聆法語則乍憶還忘展經典則遺前失後遂使無上醍醐莫由染識圓明珠體弗克映心觀行難於奏功豈能自利辯才短於章句安望利他是以捫躬知過稽頴求哀諦信大士之悲心歸命總持之神力六時行道一七熏修仍於建始之前結壇之次敬然頂香三炷供養觀世音菩薩及法界三寶仰願慈光同加攝

受以智慧光灌我頂門以聞持水洗我心竅使我速離暗鈍早獲開明遙聞諸佛轉妙法輪永無遺失常讀三乘甚深法藏過目不忘以茲法藥普濟含靈再轉正法之輪悉破邪魔之說等與衆生同開佛慧性修文徹頓證圓常

補持總疏八月二十六日起

敬禮慈尊地藏王神呪善能滅定業普救無邊五濁苦紹隆三寶種不斷我今歸命發深誠願作法臣匡法運哀求大士速加持令我所願皆成就弟子智旭

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

自惟無始以來與法界衆生迷本淨心已造定業無明所覆不自覺知故於今日同嬰苦報遠離正法遭遇魔邪倒說大乘誣毀了義逐後世之微勸忘教王之典型設宣實道反被譏訶雖解真乘仍虧福運熏修則緣助無資化導則無徵不信歎同修之落落嗟外護之寥寥因原自造果豈他尤惟捫心而內悔爰悲仰而求哀恭念地藏大士無上醫王滅業真言無邊神力定能拔三障苦施三德樂是以專心持誦速望冥加向已爲七種心然香持誦三百二十萬亦爲

故友道壽持二十萬廣鎬持十萬亦爲盟友受籌道昉大真大槩等各持十萬亦爲護法徐澧弘鎧陳丹衷道昕等各持十萬亦爲智珠等諸比丘沙彌各持四萬又爲大香等一切知識善友續持四十八萬竟今復爲續入社大建等諸比丘擬預社修淨法圓果等諸沙彌作外護助淨行智晉戒周成志海量等諸沙彌矢護法沈起祿程智用蔡大玘諸淨壁等諸居士以及若內若外若親若疎若大若小等現前助道行者各各有差至心共持微妙神呪一百四十萬徧

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

以此功助必求攝受。俟呪滿日。當然香三炷供養三寶。總申回向。伏願一切比丘增長福慧。成就聖根。斷世愛網。摧我見山已入社者。永契金蘭之好。未歸社者。速懷聲氣之思。一切沙彌志慕僧倫。克臻淨行。增修戒慧。棄捨幻緣。期許誓同先哲。舉止不類時流。一切檀護明識是非。了達邪正。願作衆生之眼。常爲佛法之城。身力勇銳。守護堅強。悟不二之法門。等諸天之威德。又願比丘沙彌以及檀護。各信淨土玄猷。共勗樂邦妙行。具諸戒品。讀誦大乘。深信因果。解第一

義。常爲人說法藏。遠因彌陀現果。令諸有情咸脫苦輪。畢獲安樂。又願智旭與諸知識互爲主伴。恒轉法輪。誓滅三塗之定業。恒宣安養之真詮。恭于法界三寶地藏聖尊。同體慈悲。證明攝受。

爲父母普求拯拔啓

不肖智旭。生於萬曆己亥年。是時先嚴先慈並年四十。止得一子。撫育倍殷。迨旭年二十。先嚴卽捐館長逝。未展一日孝養。徒切終天痛恨。嗣聞佛法。稔知世孝非真。於廿四歲捨母逃逝。本期尅時取果。總報四

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

恩詎謂業重障深久滯凡地。至廿八歲時慈母復棄我西歸。雖無常苦空世相固然而世出出孝兩皆負墮倍嬰罔極之悲。終墜憂虞之網。於今出家十夏白業無成扼腕捫心可慚可愧。言念明夏六月初一日爲先慈金氏大蓮七周之期。明冬十一月初五日爲先嚴鍾公之鳳十五周歲。自力旣微應乞恩於師友法施爲最。豈秘吝於庸愚。藉同體之大悲作無緣之與拔。俾先人獲祐於冥冥。則罪子稍舒其戚戚。倘此生得蒙解脫誓處處同爲影響。或今身不免沉淪願

永永代受衆苦。智旭亦自持減定業真。言二千萬徧。金光明空品三千徧。梵綱上卷一千徧。爲我父母耑懇同仁。互爲增上勝緣。並入彌陀願海。

再禮金光明懺文

十月

歸命能仁福慧尊。最勝金光明性海。信相功德大吉祥。同賜慈悲垂攝護。弟子智旭果海智西道晉成泰及外護海量圓果等。普爲四恩三有法界衆生求滅罪障。轉正法輪。相與和合一。心肅清三業。如法啓建金光明經。吉祥妙懺。以茲月二十三日爲始至二月

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

九日爲終六時行道一七熏修至誠咨請十方三寶功德大天普願圓慈速垂妙應旭等伏念現前大衆與法界衆生自迷金光明性。備起貪瞋癡業。著我所橫生是非障智慧之真源妄求世智喪聖財之法樂妄愛俗財。致使瞞因昧果藐法欺心感報墮三塗劇苦餘殃使百務無貴今始覺悟痛改前非。翹五體以投誠瀝一心而悔罪願我及衆等無始至今三業六根所作重障煩惱惡業花果報殃以金光明海三寶功德及吉祥大天本願威神於一念間悉皆消滅。

顯發自性慧輪成就本來福聚紹隆三寶普利塵沙又願大藏速完莊嚴無乏講期獲就貴具隨心又願亡過沙彌大願淨人如金拔除破戒犯齋之罪消鎔差因錯果之愆速離三塗超登九品又願智旭比丘身無衆病心悟總持自證法門清淨演說果海比丘痛念娑婆深求大法身心一致福慧並修智西北丘明了正法剖斷狐疑懲流俗心希先哲行道晉沙彌猛省無常力除瞋慢反躬自勵不念人非成泰沙彌廣發大願善學古人卓越時賢克齊先聖海量沙彌

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

永離掉舉成就深因神染法門志圖出要圓果沙彌開發蒙憒增長信根福慧莊嚴自他俱利又願叢林外護大機比丘質直光明愛惜正法言行一如始終不替又願執勞運力隨喜見聞同植勝因並沾殊利四緣克備三學相階又願水陸空行法界舍識仰藉經威均資懾力頓空三死並證三身恭惟金光明海同體三尊第一威德吉祥聖者真實見知證明攝受結壇禮懺并回向補持呪文

五體投地瀝丹心歸命三寶真威德大悲自在地藏

尊哀憫哀憫垂拔濟弟子智旭及法界衆生曠大劫來恒迷真性合塵背覺造業招殃於同體法中幻成十界之異向真常境內謬作三世之殊既隔遮那妙體闡知正法要津正轉像像轉末誰思砥柱中流輕成重重成定誰達緣生無性我今仰藉觀音大聖地藏慈尊真實圓悲始蒙覺悟信三無差別之理十界不離一心解佛性常住之宗三世不移當念由是發廣大心修真言行誓滅自他定業重興正法毘尼曾於佛日講寺楞嚴淨壇棲身百日課持大悲神呪十

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

萬八千加被毘尼集要流通益世無奈業重障深福
輕慧淺緣擾數侵雜染恒起不惟三昧莫成抑且誦
持尚缺今欲再整初心追補夙願以十一月初二日
爲始初八日爲終六時行道一七熏修仍於空隙并
以前後持滿神呪足一萬徧然香三炷回向佛乘惟
願千手千眼真實勝慈專憫剛強速垂折攝使如來
正法再顯支那末運迷津重歸至化汙道生慚愧之
心不渝空見羯羊獲聞思之慧不固凡愚又於八月
二十六日發心再爲同行外護衆縉素等補持減定

業真言一百四十萬已於十月十五日悉皆持竟今
并然香三炷總申回向普施舍生伏願三塗息苦人
難除災竭業海之波濤摧惑林之根蒂五住圓消三
輪同淨悟戒體而果極法身達性遮而行同淨滿泯
大小偏圓之執普會一乘淡浮囊草繫之思範圍法
界證宗說二通禪教不二修理事一致因果同符觀
彌陀於安養輔彌勒於龍華情與無情咸臻常樂

龍居禮大悲懺文

十一月

稽首能仁無量光圓滿大悲實相海觀世自在法界

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

僧同賜哀憐垂拔濟。比丘大獻智旭惟忻法慧普福
果海智西智地法戒成泰及菩薩優婆塞程通慧過
去優婆夷盧智福等。普爲四恩三有法界衆生求滅
罪障。同入蓮邦。至心歸命觀音大士法界三寶願賜
圓悲速彰感應。獻等自念無始至今等與衆生悉造
業障三惡爲因。六根迷境致使六道輪迴三有不絕。
今因盧智福之嬰苦并哀諸趣沉淪復覩盧智福之
西逝並增樂邦深願由是相與和合一心肅清三業。
先行方便後結淨壇三七重修六時行道仰學圓滿。

悲心普利微塵含識伏願一切地獄頓息苦緣。一切
餓鬼頓蒙解脫。一切旁生永除恐怖。一切修羅永斷
詛罪。一切人道等離衆災。一切天仙等獲漏盡。一切
聲聞速消三昧之酒。一切緣覺速出無爲之坑。一切
菩薩悉盡無明之源。一切諸佛悉增法性之樂。又願
大獻比丘福慧並隆。自他兼利以深法忍續正法燈。
智旭比丘永離情塵徹證三昧獲自在力摧魔外幢。
惟忻比丘了悟心宗開發教眼窮法界慧破相似禪。
法慧比丘秉出世燈燭迷途暗入微細智解秘密輪。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

普福比丘立殊勝志修最上門珍熏三學廣備二嚴
果海比丘緣真實法成弘毅心達悲智源勵苦提行
智西比丘捨凡小見學廣大猷正見開明邪法不惑
智地比丘立珍重因希究竟果自期上哲愍念下愚
法戒比丘誓求出要畢捨塵緣教律精修淨因不缺
成泰比丘深操實踐篤志力行護持正法終始不渝
通慧優婆塞開甚深慧成無漏福以如意修獲淨土
果智福優婆夷速盡餘塵早開蓮萼圓悟三身來度
五濁又願叢林外護妙真比丘以清淨慧焰佛法源

表率僧倫同扶法運性妙比丘病障消除福慧增長
悟如幻事歸淨土門又願見聞隨喜若素若綱遇影
蒙塵若靈若蠢悉悟同體大悲共證無邊自在圓手
眼於身心運總持於法界四恩總報三有均資普會
含靈同歸秘藏

又然香願文

項禮無邊際三寶威德尊觀世音地藏同垂哀護持
我弟子智旭與法界衆生自迷性德恒造業緣障於
覺體不了法因能所熾然自他橫隔沉淪六道困頓

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

三塗乃至劣得人身。仍遭諸障。投身正教。未識妙津。
良由業重致此坎壈。復念生死根株。愛染第一。潛伏
藏識。難斷難除。我雖仰承觀音大士及法界三寶密
默加持。有生以來。不習無慚穢行。而無始惡習。時與
念俱。身貪諸觸。口喜惡言。如是三業六根。罪實無量。
已躬未淨。何以導人。扼腕諭心。誠堪愧恥。今於大悲
清淨懺壇之次日。課梵網戒經一卷。修行四十八願。
念阿彌陀佛千聲。持金光明經空品一卷。復總持大
悲神呪。萬徧佛頂神呪。千徧以爲斷惑方便。及爲現

在道友受等道昉等。過去優婆塞。天定等。各持經呪。
耑申回向。先於建壇日。已然頂香五炷。今於完滿日。
復然臂香二十一炷。一者供養盧舍那佛。二者供養
釋迦牟尼佛。三者供養阿彌陀佛。四者供養千光王
靜住佛。五者供養九十九億宛伽沙佛。六者供養正
法明佛。七者供養十方諸佛。八者供養三世諸佛。九
者供養梵網經菩薩心地品。十者供養大般涅槃經。
十一者供養大悲心陀羅尼。十二者供養悉怛多般
怛羅神呪。十三者供養滅定業真言。十四者供養顯

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

密一切法藏十五者供養觀世音菩薩。十六者供養地藏王菩薩。十七者供養大勢至菩薩。十八者供養總持王菩薩。十九者供養日光月光菩薩。二十者供養寶王藥王藥上菩薩。二十一者供養華嚴大莊嚴寶藏菩薩。二十二者供養德藏金剛藏虛空藏菩薩。二十三者供養彌勒普賢文殊師利菩薩。二十四者供養十方三世一切菩薩。二十五者供養摩訶迦葉優波離尊者阿難尊者。一切聲聞緣覺賢聖僧。二十六者供養初來震旦摩騰竺法蘭。初往西乾法顯尊。

者淨土教王遠公尊者求見舍利康僧會尊者禪宗初祖達磨尊者天台智者大師。相宗玄奘法師。清涼澄觀國師。會歸宗鏡永明大師。重振僧風達觀大師及私淑戒法雲棲宏和尚。現夢接引憨山清師。祖荊度恩師雪嶺峻公。十戒闍黎戒宗孝師。大戒闍黎古德賢師。如是一切三寶師僧。皆以頂香五炷臂香二十一炷而爲供養。我供養已。五體投地。披剖肝心。作如是願。一者願我身業究竟清淨。不犯纖塵。二者願我口業究竟清淨。無諸過失。三者願我意業究竟清

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨永離愛見四者願我亡父鍾之鳳及無始慈父同
生淨土五者願我亡母金大蓮及無始悲母同生淨
土六者願法界衆生同生淨土七者願同行比丘大
獻惟忻法慧普福果海智西智地法戒成秦各思紹
隆佛種護持正法發甚深悲願披堅固忍鎧力挽頽
風廣敷淨義八者願外護比丘妙真性恩性妙大聯
大同智寂海慧正修等各能深愛正法體惜衆僧尊
崇賢善務憫凡愚常護行者同臻淨業九者願隨喜
比丘大和成就忍力荷擔法門所作善業永無障惱

十者願隨喜比丘弘貞性筏性妙等豪傑自期棟梁
法廈痛懲時弊力追古風十一者願同盟比丘受籌
獲四辯才離五怖畏平等大悲愍念剛惡十二者願
同盟比丘大香深開教眼精曉毘尼盡革時非復興
正法十二者願同盟比丘道昉成就開智廣達真宗
福慧並崇自他俱利十四者願同盟比丘心見智洵
智珠正映大義智祥大建等克除習氣深入法門方
用自在砥柱中流十五者願外護比丘大懶痛念無
常深思出要永除誦詭成就真因十六者願外護沙

9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

彌寂曉智勤常樂智本海量圓果智門及行人智忠
寂覺海智等成就深因希求實果永無障惱恒獲淨
修十七者願外護沙彌智融大輪圓淨成潛成志道
晉戒周傳鉢定猷等各能精求出要矢志蓮邦福慧
兼修見思並斷十八者願有志沙彌海珍大昭智律
智復智政成遠炤本普戒等各能三學兼修二嚴等
備超羣拔萃蓋地蓋天十九者願破戒闡提智仁明
智海月成明等各能從緣警悟頓革邪心深信因果
早求滅罪二十者願檀護程通慧以圓通慧修稱性

福自在度生同歸安養二十一者願檀護劉廣護余
道裕陳道忻徐弘鎧蔡大玘程智用韓正知王大琦
沈大文閔河澄金智達諸淨璧王淨臣萬大潮顧其
言陳淨傳等各能成出世法脫愛使纏弘護無疆解
行超拔二十二者願亡故比丘廣鎬道壽緣障消除
華敷碩大見佛聞法還度衆生二十三者願亡故比
丘靈鑑蘊虛受音道旻智浩智印智向智空道昌寂
智自成智真廣斌大麓大節智學具達智綱寂曄沙
彌大頤智愍海宇智誠智徹傳挺等罪障消融超登

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

樂土。華開見佛頓悟無生。二十四者願亡故處士吳定拔除見網。洗滌塵緣。速脫幽途。逕歸樂土。二十五者願亡故優婆夷盧智福。蓮開上品果記。一生以如意通廣度。舍識。二十六者以上然香發願功德。上報佛恩。下挽劫濁。願正法重興。僧輪再轉。一切持律者。了達開遮持犯之源深悟定共道共之法。常補佛處不類羈羊。一切演教者。解行雙修。教觀並舉。精嚴律檢。通達禪思。不同說食數寶。善能隨聞獲證。一切禪思者。明識是非。了別邪正。不墮暗證之坑。不起增上。

之慢。真參實悟。信戒信聞。一切修淨業者。信卽事之理。悟卽佛之心。不撥相而高談。自性不輕視而認作退休。披菩提之誓鎧。合法藏之願輪。一切習瑜伽者。深達顯密圓宗。清淨三輪施化。革除戲習。具足神通。以難思妙力。作無邊勝事。一切營福業者。深信罪福嚴持因果。遠離世法。與揚正化。同有爲業。趣無漏乘。又願以前諸願。悉共莊嚴淨土。總向西方。臨命終時。既聞妙法旋證無生。成就十種身輪。廣度法界舍識。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

所謂於念念中。成就不可說。刹塵佛身。徧坐道場。轉無上法。成就不可說。刹塵菩薩身。徧滿十方莊嚴淨土。成就不可說。刹塵緣覺身。充滿十方利無佛世。成就不可說。刹塵聲聞身。充徧十方作大福田。成就不可說。刹塵天仙身。覺悟天仙。令歸正覺。成就不可說。刹塵修羅身。攝化修羅。令捨憍慢。成就不可說。刹塵人道身。廣化人倫。令發道意。成就不可說。刹塵餓鬼身。覺悟鬼趣。令得安樂。成就不可說。刹塵畜生身。隨類普化。令離惡趣。成就不可說。刹塵地獄身。普代衆。

苦。令悟真常。惟觀音大士。地藏慈尊。法界三寶。真實見知。真實平等。折伏攝受。哀愍覆護。令我所願不退。不沒。不失不忘。普與衆生滿菩提願。

禮淨土懺文

癸酉正月

稽首慈尊無量壽。一土十方三寶尊。普哀沈溺衆迷流。必賜感通垂接引。比丘智旭果海智西成泰沙彌道晉優婆塞程通慧及外護沙彌常樂海量圓果等。各念曠大劫來。至於今日。既迷本性。恒在輪迴。三業六根。無惡不造。五趣八難。無苦不嘗。暗識相傳。曾弗

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

覺悟。死生浩漫解脫何期。茲者幸值大乘得生微信。
快聞淨土。宜速知歸勤精進而已。恨其遲更怠緩而
擬將何及。爰發懇心共期三昧修往生之願。儀矢七
日以無難。六時行道四儀攝心。仰叩圓悲必垂妙應。
伏願智旭比丘福基昌熾慧性通明。自在熏修自他
兼利。果海比丘達四悉檀修慈忍度。虛心朗志體解
真乘。智西比丘正見速開是非不惑。具丈夫志破愛
見魔。成泰比丘深求正法不染情塵。行與志齊道追
古聖。道晉沙彌畢捨緣務痛念無常。八風不動四誓

銘心通慧優婆塞及其同行内外眷屬恒作利益廣
攝含靈。斷三有因同登樂國。常樂沙彌消除病障增
益信心。我執虛融人情悅豫。海量沙彌遠離掉慢收
斂身心。正信現前愚迷永斷圓果沙彌開特達志集
廣大猷。裂癡暗網獲圓明解。外護行人各蒙勝益並
植深因。不戀娑婆同歸淨土。又願我等師僧父母麁
刲親緣悉脫輪迴並登蓮界。又願法界衆生若靈若
蠢過去現在一切有情蒙法藏之願光承阿彌之慈
力三障頓除四土等淨以此發願功德總報三有四

201234567892012345678930123456789

恩現生魔障不侵捨報心神不亂蓮敷上品果記一
生情與無情同圓種智

西湖寺癸酉夏安居疏

一四天下南瞻部洲大明國直隸蘇州府吳縣金庭山西湖講寺幻寓比丘受籌智旭等一心歸命梵網教主盧舍那佛極樂世界阿彌陀佛菩薩心地品毘奈耶藏三乘十二分教一切尊法觀音勢至文殊普賢地藏彌勒等一切菩薩優波離尊者迦葉阿難西方東土一切聖師願展慈光同垂悲濟伏念諸佛滅

後以戒爲師三無漏學以戒爲首秉羯磨而如說修行名爲正法住世依律藏而和合共學斯令僧寶不滅深嗟末運固識良模持犯總自不知源委何嘗畧討或恣行非法或癡若啞羊或離事談空或執相迷旨致使覺皇巧便埋沒湮沈邪見稠林蔓筵滋茂既忝如來之微寧無離黍之悲爰發勝心糾我同志結期蘭若討論毘尼於茲建首之日承大獻比丘之施營設香齋奉供常住三寶亦爲助糧繙素正勝徹塵體寂靈注圓淨智起智音萬大潮韓正知管正見蔡

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨仁堂藏書
卷二
廿一
念忍及本山喜捨月米盡飯衆善信等以茲平等善
力同共回向菩提。伏願比丘大獻及一切縉紳三昧
早圓。三障頓斷。二嚴克備。一利並臻。又願我等外魔
不擾。內障不侵。身心安隱理事和同。紹隆僧種。圓證
佛乘。悟開權顯實之旨。合扶律談常之印。以淨戒真
因。登淨土極果。津梁划濁摧伏魔邪。報釋迦之深恩。
滿阿彌之大願。恭于三寶印知文疏

供闍香文

崇禎癸酉前安居日。秉釋迦牟尼佛遺教菩薩戒弟

子待罪比丘智旭。然臂香十炷。一心奉供徧一切處
淨滿大覺。不減雙林真實常住。本師慈父一體三寶
亦供極樂世界阿彌陀佛。十方三世一切諸佛。梵網
尊經。毘奈耶藏。十方三世一切尊法。地藏觀音勢至
彌勒文殊普賢金剛藏虛空藏藥王藥上玄通華光
主華光王大智明等。十方三世一切菩薩。優波離迦
葉阿難馬鳴龍樹。一切僧寶。願以大慈悲力折伏剛
強力攝受善根力。哀愍覆護現前證明。我弟子智旭
本承觀音大聖神力。受生鍾氏。父曾有夢。事實不虛。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

後因染邪師教造謗法愆。賴善根未絕旋獲轉移。嗣聞地藏尊經發心救苦。書慈悲懺法。永斷酒辛。聽大佛頂尊經決志出家。閱慈翁方便語。矢心參究。從此捨母逃避作務雲棲。往來雙徑天台。誓明生死大事。既多障緣。仍悲法亂。因思聖有誠訓。以戒爲師。俯仰斯時。誰堪作範。惟雲棲大士餘澤尚存。古德法師解行雙美。乃棄衣單不遠千里。陳情於全身塔前。頂受此四分戒本。一載之後。復求菩薩律儀。從此檢閱全藏。輯錄要畧。但圖自利。未暇化他。不意事成漸至流。

布然旣再三翻讀深知時弊多端。若非痛革誦訛。莫顯如來正法。而反躬自省。先呈缺陷。良以受具戒時心雖殷重。法未周詳。今欲挽回法運。豈容僥倖承當。爰作八闡。虔問三寶。若智旭於比丘戒。從心感得已預僧倫。如法行持。堪爲模範。則今十夏已滿。當得卽作和尚。闔廣度人天。若智旭於比丘戒。雖已具得。但從前輕犯。未獲清淨。當得禮懺作和尚闔。先行懺法。後乃度人。若智旭於比丘戒。猶實未得。然不成遮難。或雖已得。然未堪作範。當得見相好作和尚闔。殷勤

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

禮懺。以見相爲期。若智旭於比丘戒雖不成盜法難。然實未得當得重受闡。如法秉受。十夏專精。若智旭於比丘戒雖同盜法可通懺悔。當得禮懺重受闡。若智旭於比丘戒已成遮難。應作沙彌。當得菩薩沙彌闡。若智旭於沙彌法亦所不應。當得菩薩優婆塞闡。若智旭於如來一切戒法皆成遮難。當得但三歸闡。嗚呼。時丁劫濁法運凌夷。福智衰微。邪見稠密。大廈一木。固覺難支。砥柱中流本願寧替。但進退攻守弱識。豈能自知。逆順與奪正覺自然隨器。夫不敢師心。

者此生之出處。不可忘廢者曠劫之弘誓。仰對二寶。剗滅一心。若智旭拈得卽作和尚等三闡。誓忘身命。護持正法。寧受無量苦作真實聲聞。不願爲名利。而作假大乘。若智旭拈得重受等二闡。誓當敦尚師弟。行法痛懲流俗藐法輕人。若智旭拈得菩薩沙彌闡。誓當尊重供養如法比丘。護持僧寶。若智旭拈得菩薩優婆塞闡。誓以身命護持正法。終不迷失菩提之心。若智旭拈得但三歸闡。誓常服役佛法僧間。種種方便摧邪顯正。我今以質直心。殷重心。護正法心度。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

衆生心降伏魔外心斷除巧僞心向一體三寶供如
是闡。發如是願。從於今日迄自恣日。仗現前大衆。每
日持大悲神呪一徧。加持此闡令必靈感。智旭亦每
日修行梵網懺法。一時以求加被。惟願法界三寶現
前大衆。護法天龍同垂哀鑒。重說偈曰。

三寶護一切同體無差別。我悲劫濁苦法亂邪風熾。
願續正法燈。昭世開迷惑。內護及外護。未卜當安從。
敬以八種闡定我一生局。隨於大威神命我當隨順。
我今頭面禮救世大悲者。神通道眼智悉能知我心。

亦知我夙世善惡根異熟。及我十年來持犯諸罪福。
應以何等位。自利及利他。徹悟聲聞法。同歸無上印。
終不作對待隔別。諸邪見扶律以談常從境而發諦。
我哀迷惑者觸事生執著。昧持犯源唯事衣與鉢。
教失觀行旨。但著名句味。禪道迷綱宗流入一機境。
或但尚工夫。或專求向上。或強鑿悟門。或并棄正解。
執藥反成病戲論妨實詣淨土圓頓法。多視作權機。
不發菩提心。但作偷閒法。不修淨戒因空希淨妙果。
審部大威神翻成世流布穢雜不堪聞。幾同兒豎戲。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

如來無量劫修習最殷勤得此難思法度我諸舍識
云何至今日衰替不忍觀我本具縛人自哀復哀衆
以何方便力重顯正法輪仰學至誠心深心回向心
然香表無盡闡決明師承三寶無緣慈必能哀鑒我
稽首瀝肝心歸命無他向速垂最勝悲示我知歸趣

拈闡然頂香文

自恣日

稽首法界淨滿覺正法毘尼淨性海。權實聖賢常住
餓。一體證知垂攝護弟子智旭與法界衆生無始劫
來至於今日迷三寶之本性滯六道以往還僻稟邪

宗恒違出要妄希捷徑不了真乘致嬰八難永缺五
緣尚幸夙因微善獲聞正法毘尼而反躬內省慚恧
尤多故於前安居日然臂香十炷備陳本志供八種
闡今三月告終僧將自恣復然頂香六炷然後拈闡
是中三炷先供十方法界一切三寶求願加被鑒我
根機授我明決惟聽聖命心無適莫其次三炷再供
法界三寶隨得何闡皆發三種誓願所謂若得但三
歸闡有三種願一者盡未來際不遠離佛二者盡未
來際不遠離法三者盡未來際不遠離僧若得菩薩

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

優婆塞及沙彌闍有三種願。一者誓不忘失菩提之心。二者誓作外護助興正法。三者誓當供養如法比丘。若得二種重受戒闍有三種願。一者奉師之法誓不虧違。二者誓當五夏不離依止。三者十夏未滿決不爲師。若得見相好作和尚闍有三種願。一者誓忘身命恒修懺法。二者終不違願先畜弟子。三者未見相前誓不講演。惟除結伴清淨法施。若得二種作和尚闍有三種願。一者所受弟子必能加法行持。五年依止乃應可度。誓不泛濫度人。貽羞法道。二者誓不

與人更改法名。亦不許人遷稱我名妄授戒法。若違此誓決招現報。三者誓與同志結伴湖山。如說行持護惜正法。決不貪逐名利。開創期場。應請講經涉與世事。但秉正法以俟後賢。如此三願。徧於八闍。三寶龍天。現知現覺。證明攝受。令我無忘。以此發心。發願功德。普報四恩。均資三有。回施舍生。同歸安養。

禮淨土懺香文

八月二十九日

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

妄背覺合塵。惑業無窮苦果不息。無始至今。從未覺悟。雖逢出要。罔識進趣。由是往還六道。沒溺三塗。廣造惡因。備嬰劇苦。今以夙時微善。獲遇真乘。無奈染習偏強。淨功莫尅。違出家之初志。負佛祖之深慈。扼腕論心。慚天愧地。爰立勝志。七日爲期。修行淨土。餓儀願成念佛三昧。六時行道。一意持名。叩佛圓悲。必垂妙應。然臂香三炷。供三土三寶。願我三心圓發。三障頓除。獲三聚之淨戒悟。三德之秘門。超三界而橫截。冠三輩而高登。又復然香十四炷。拈十四種闡。一

者爲決行藏。有其四事。二者爲定。占察行儀之時。有其三種。三乃至七。爲定。占察行儀之法。共有八事。十
一者爲決。金光明懺之事。有其三種。十二者爲定。誦持減定業時。有其七種。十三者爲決。般舟三昧之事。有其五種。十四者爲定。詮經前後緩急。有十八種。是中詳悉。佛自見知。願賜洪慈。除我疑惑。令我安心辦道。魔障不侵。種種施爲。咸能稱意。悉爲淨土之因。悉趣淨土之果。伏願分毫之善等。施舍生稱法性。以無窮乘。願輪而自在。見聞隨喜。惡滅善生。契會寂光同

101 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

歸常樂滅地獄之苦輪除畜生之怖畏療餓鬼之饑虛息修羅之忿語摧魔外之邪幢醒仙神之迷執止人道之散風竭欲天之愛水開禪味之幽關破無色之沉寂乃至聲聞緣覺發起大悲之心大士聖賢圓證法身之德盡法界虛空界一切有情無一不生極樂而極樂不增盡法界虛空界一切微塵無一不現極樂而極樂不減徹悟無生之理而熾然往生了知不去之心而確然求去大闡彌陀法化廣破罪侗邪宗溪符釋迦願輪方挽文離淺學僧輪再轉法日重

暉淨四土於一心度五濁於九品虛空可殞我願不灰願佛法僧證明攝受

禮金光明懺香文

甲戌三月二十九日

菩薩戒沙彌智旭歸命頂禮金光明海一體三寶願展慈光俯垂濟拔智旭自念生逢法亂不遇真乘內因既微外緣亦薄魔障數侵淨業罔就捫心扼腕愧地慚天幸值最勝經王吉祥妙懺更幸清淨僧衆如法行持爰發虔心然香供養一者奉供釋迦文佛阿閦佛等一切世尊願我及一切衆生速得發菩提心

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

紹隆佛種。二者奉供大乘金光明海十二部經願我及一切衆生速得深廣智慧悟入法海。三者奉供信相菩薩。金光明等諸大菩薩。三乘聖衆。一切僧寶。願我及一切衆生速得證入解脫同登法流。四者奉爲梵釋四王八部聖衆供養三寶。願皆增長威神護持梵行。五者奉爲第一威德吉祥大天。供養三寶。願得不違本誓。示我吉祥。六者奉供憲王籌師。願得增長大悲廣度舍識。七者奉供徹因海師。願得開發大智成就法忍。八者奉供慧幢建師。願得鼓策大勇荷擔。

法門九者奉供灌虛注師。願得成就大慧破諸法暗。十者奉供頂瞿行師。願得堅固大願建立法幢。十一者奉供僧聚山師。願得奮迅大力通諸法要。十二者奉爲刺度恩師。雪嶺峻公供養三寶。懺悔假稱悟道妄評公案之罪。十三者奉爲峻師供養三寶。懺悔妄造懺法謗毀先聖之罪。十四者奉爲峻師供養三寶。懺悔損尅大衆錯因昧果之罪。諸如此罪願悉消除。或不可陰願。皆代受令我峻師現前病苦速得痊安。或大限莫逃。則竟登樂土。十五者奉爲外護沙彌成。

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

恭靈渡海量智明傳湛岳旃等供養三寶願皆增長
 福慧成就忍力觸事明心從緣見諦十六者奉爲外
 護檀越韓正知蔡大圯萬大潮及一切現前信施等
 供養三寶願皆深入法門弘護無倦財施法施盡於
 未來十七者奉爲外護行人衆等供養三寶願皆增
 長信心志求出要捨離塵勞永除魔障十八者奉爲
 比丘如是助師供養三寶願得無諸病障速踐舊盟
 十九者奉爲知友徐弘鑑陳道昕程通慧程智用沈
 起祿等供養三寶願皆深秉法要福慧齊修常披誓

鎧永作金湯二十者奉爲過去道友不忘昔公勝超
 西公惺谷壽公等供養三寶願皆消除三障速登九
 遠自利行圓利他功滿普與舍生齊成佛道二十一
 者普爲見聞隨喜若縕若素若男若女若靈若蠢若
 近若遠若寃若親若非寃親廣及十方三世四生六
 道盡虛空徧法界無窮無盡一切衆生供養三寶願
 皆頓悟光明海永斷惑業苦輪一念之間同歸秘
 藏惟願三寶決定證明真實攝受重復至誠五體投
 地更然臂香三炷一者奉爲比丘智洵及寂雷等供

卷三寶願令堅固忍力不弛弘願建立勝事無諸障

緣

二者奉爲震旦國王及與兆民供養三寶願得常

享太平不遭離亂永獲豐樂不受饑荒魔外潛踪正

法昌熾三者特爲自身供養三寶惟願十方三寶真

實見知憫我凡愚必加哀護令我從今以後淨業日

增夙習煩惱心心伏斷轉三障爲三德卽五蘊成五

身脫愛見之苦輪證寂光之真境念念不違慈父時

時得覩樂邦普與含生齊成正覺

講金光明懺香文乙亥二月

大藏經

卷三

三

三

三

三

三

三

三

三

三

三

三

三

三

三

三

三

三

三

三

三

三

三

三

卷三寶願令堅固忍力不弛弘願建立勝事無諸障
緣二者奉爲震旦國王及與兆民供養三寶願得常
享太平不遭離亂永獲豐樂不受饑荒魔外潛踪正
法昌熾三者特爲自身供養三寶惟願十方三寶真
實見知憫我凡愚必加哀護令我從今以後淨業日
增夙習煩惱心心伏斷轉三障爲三德卽五蘊成五
身脫愛見之苦輪證寂光之真境念念不違慈父時
時得覩樂邦普與含生齊成正覺

講金光明懺香文乙亥二月

歸命三身圓滿覺。金光明海真法藏。信相功德及諸天。三寶威神同加護。我弟子智旭與法界衆生。自迷法性。幻作塵勞。貪瞋痴慢。日夜熾然。姪盜殺妄。長時不息。致使三塗鼎沸。八苦交煎。災異頻仍。饑荒淳至。干戈搔擾。魔外縱橫。悲同分之妄。見長夜難開。痛循業之自招。出離無助。茲者恭遇智月禪院。啓建金光明最勝法會。依經邀請功德大天護法道場。爰發虔心。專求拯拔。隨愚劣之見聞。作觀慧之資助。依文演義。講論補助懺儀一卷。每日隨喜行法一壇。仍於圓

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

滿之日。敬然臂香二十一炷。一者供養本師釋迦牟尼佛。四方四佛寶。犩瑠璃佛等。盡金光明經中一切諸佛。二者供養大乘金光明海十二部經。三者供養信相菩薩。盡金光明經內一切聖衆。四者奉爲大梵帝釋護世四王等。一切聖衆供養三寶。五者奉爲第一威德成就衆事大功德天。供養三寶。伏願三寶慈悲不違本誓。諸天護法增長威神。令此國中風祥雨順。物阜時雍。干戈永息。疾疫消除。聖王播仁慈之化。萬方享太平之休。六者爲懺身業。七者爲懺口業。八

者爲懺意業。供養三寶。伏願三寶折伏攝受。令智旭從今以後。性業遮業悉皆清淨。定共道共應念現前。九者奉爲歸一籌師。供養三寶。伏願籌師深發大悲。荷擔法化。離二乘願。不捨後昆。十者奉爲頂瞿行師。供養三寶。伏願行師成就巧慧深入法門。以同行身兼爲外護。十一者奉爲僧聚山師。供養三寶。伏願山師悟明正法。發趣菩提。以無我智成深法忍。十二者奉爲善友。如是助師供養三寶。伏願助師被堅忍鎧。求最勝乘。踐約早來。勿滯邊地。十三者奉爲懺師。正

9 10 1 2 3 4 5 6 7 8 9 20 1 2 3 4 5 6 7 8 9

30

30

苑等供養三寶。伏願十位懺師各各事儀明鍊觀慧
精專深入三昧得陀羅尼十四者奉爲靈徹等一切
外護供養三寶。伏願外護縉素各各福慧雙修事理
齊備隨緣薦取同證無生十五者奉爲隨喜見聞若
縉若素一切有緣供養三寶。伏願各植深因同歸秘
藏轉化一切傳無盡燈十六者奉爲結伴同修諸位
道友供養三寶。伏願各秉遠志共集弘猷重豎法幢
摧伏魔外十七者奉爲護正法輪發弘誓願陳道昕
徐弘鑑程智用宗靈谷等供養三寶。伏願各增福慧

並離障緣以自在力摧邪顯正十八者奉爲縉門重
望有志賢人道震堯渠等供養三寶。伏願解行齊修
二嚴克備共扶法運不惜形骸十九者代爲惡魔眷
屬外道流裔某某某某某等供養三寶深求懺悔
伏願三寶威神憫茲見濁或默示感通令彼反邪歸
正還度羣迷或速彰黜罰令彼消除退散莫惑凡愚
二十者奉爲十戒闍梨戒宗孝師出家闍梨雪嶺峻
師及壁如鎬比丘惺谷壽比丘等一切覺靈供養三
寶伏願各獲消除三障成就二嚴蓮華化生親蒙授

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

記。二十一者奉爲亡父鍾之鳳亡母金大蓮等。一切親緣眷屬供養三寶。伏願各離塵緣。決生淨土。花開見佛頓證無生。又願以此然香發願功德。因緣悉施法界一切衆生。願諸衆生皆能悟入金光明海。皆能以清淨業奉感吉祥大天。護世四王八部聖衆。常來護持。皆能以財以法攝化一切。各各改惡從善反邪歸正。皆能修身修戒修心修慧。皆知鼠卽鳥空之解。爲非。皆知佛法自有真脉。非可僭傳。皆知聰明穿鑿鬼家活討。徒增謗法之愆。不療生死之苦。皆能忘身

捨命專求正法。自利利他。皆能應念修行。一切供養奉供三寶。而心常清淨無有染著。皆能了達一切諸法本性空寂而不捨莊嚴佛土。成就衆生。皆能了達淨穢平等而熾然求生極樂世界。皆能深信心佛衆生三無差別。而精勤修習念佛三昧。不作無佛無衆生想。皆能徹證持犯性空。而恒以三聚淨戒攝化一切。皆能遠離聲聞辟支佛意。而常受持比丘清淨戒律。知此戒法卽摩訶衍。皆能了知法性無增無減。無進無退。而方便增進一切善根。皆能證入深禪大定。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

而恒示現一切威儀皆能究竟無相智慧而終不捨
 一切諸相皆能悟入離文字法而不離文字談解脫
 相皆能證徹無依無住大般涅槃而數數示生示滅
 於三界中廣作利益皆能於念念中徧知一切法界
 一切衆生界事而不捨方便示學一切法門皆能遊
 戲生死而無染汙深觀涅槃而不取證皆能了知煩
 惱卽菩提生死卽涅槃而不作一想亦不作二想皆
 能於念念中沐浴法流而亦不捨作法取相之事了
 知一一法一一相皆卽法界當體無生已發如是大

願竟廣大如法界究竟如虛空恭惟金光明海同體
 三寶成就衆事大功德天真實語者一切知見者必
 垂感應令我及一切衆生各各得如所願滿菩提願

附

代惺谷願文

願我壽命長廣行一切善願我福德大廣濟一切人
 願我戒極淨弘範十方界願我定最勝起不思議通
 願我成開智一語攝了義願我成演智樂說無窮盡
 願我了心宗盡度諸含識願我最吉祥見聞獲勝益

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

願我命終時大顯西方瑞願我盡未來誓度此五濁
代沙彌傳鉅傳挺傳偉願文

月日沙彌等向十方三寶然香發願念我及衆生從無始來至於今日不依師友誨恒信凡愚心造無量過惡猶自以爲是深違佛教常負他恩一向率情不知慚愧今始覺悟痛自改悔從今以去誓當聽師友之慈訓百唯百諾惟守惟遵誓不敢見上人之過咎順行逆行心常隨喜惟願三寶哀憫覆護攝受加被令我頓消夙習成就正品直至菩提永無退轉以此

殷重心正直心賢善心普與衆生同生極樂同證普
提

代石雲願文

弟子弘印然臂香三炷供養法界三寶立誓持誦大悲神呪滿十萬徧及每日念佛萬聲寒暑安危不改順逆開懷無間作大懺悔發大誓願念弟子弘印及法界有情從無始來直至今日盲無慧目率意任情巧詐不實我慢自賢背善友之悲誨毀如來之戒法抵突覆藏不知慚愧輕忽躁妄恒失思修口耳學問

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

翻爲我見資糧。檀施供須盡作將來債負。袈裟一失知更何趣。是用痛心疾首洗胃滌腸。誓從今日永改前非。寧受泥犁之苦。不違師友之箴。寧遭荼毒之慘。不改利他之念。惟願三寶大慈恩力攝我善根。大悲威力折我惡意。令我戒月重圓定水澄淨。慧日高昇慈風普扇。忘身爲法決不辭勞。捨己從人永不自是。常得親近善友。依止明師。承事如來護持正法。攝羣機而歸樂土。超登上品之華。秉悲願而入三塗。盡代衆生之苦。以此發心功德普施法界衆生。情與無情。

同圓種智

代敬水求戒願文

大報恩塔前然香

敬禮調御尊圓滿淨戒衆及持法修行聲聞菩薩等。我心極增上歸依盡未來惟我大慈悲哀憫攝受我。我以勝三業懺悔發弘願并如法回向稽首合掌說弟子正澄從無始劫。至於今生。迷自本心隨煩惱力。或不受貳戒或受已毀犯。若故若誤若憶不憶所作罪業無量無邊。今於十方三寶前殷勤悔過改往修來。誓不更破律儀。誓不捨諸善法。誓不遠離衆生。誓

求無上正覺。伏願沙彌十戒重獲圓明。比丘具戒從
今永得菩薩大戒。決能淨滿。隨順真如。發明無作。通
達尸羅彼岸。精明大小毘尼。斷九界之修惡。圓佛界
之修善。津梁六道弘範十方。如藥樹王沉疴普療。如
清涼月。熱惱皆除。代衆生而受諸定報。無有疲勞。導
苦海而同往樂邦。常聞記別。又願自身現在及與衆
生。得大智慧。具大福德。壽命色力。神通辯才。三昧總
持。悉成就。震戒雷於法界。澍慈雨於塵沙。衆生之
界。未空泥洹之樂。不取虛空有盡。我願無窮。情與無

情同圓種智。

情同圓種智

代松韻願文 大報恩塔前然香

歸命無上尊圓滿福慧聚。無邊深法海萬德所莊嚴。
菩薩聲聞衆。并諸緣覺。尊住世聖賢僧。真實勝善友。
我今殷淨心懺悔。發弘誓願。以大悲力哀愍攝受我。
弟子寂智及法界有情。從無始劫。至於此生。盲無慧
目。不知出要。或耽染塵勞。無遠離想。或受行邪法塞
解脫門。乃至背大向小。捨圓就偏。圖近忘遠。遂假背
真枉受劬勞。終歸暗鈍。今始覺悟。今始慚愧奉對諸

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

濟有宣三藏集 卷二
佛尊法聖衆。求哀悔過誓革前非。秉世尊之明誨。聽
善友之提撕。集一切福不怠疲勞修一切慧不生厭
足。通無量之法門。津梁生界。嚴自心之淨土。承事如
來。伏願身無疾病。心得靈通。正見日增。邪法不染。毘
尼禪觀念念開明。直諒多聞。時時親近。會萬善而歸
圓頓悟。一心而顯三千。興正法於將湮轉穢邦爲樂
國。廣度含生。永除惡道。攝諸淨行。共證寂光。情與無
情同圓種智。

代一還願文

敬禮諸佛大孝尊。清淨尸羅至道法。知恩報恩菩薩
僧。惟願慈悲哀攝受。弟子寂復及與衆生從無始來。
至於今日。縱恣無明。隨逐惡友。肆情蕩檢。破戒犯齋。
背父母之深恩忘師僧之厚德。虛消信施。違反佛言。
造作衆非。徧於三業。感諸劇報。必歷三塗。設不悔過。
自新。何由懺雪往罪。是以撫心內責。深負羞慚。對首
外陳誓當懲創。既然香以立願。復禮佛以求哀。伏願
五十三佛大慈覆護。三千諸佛大悲拔濟。令我夙障
頓消。道芽增長。斷除惑種。堅固靈因。淨沙彌之律行。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

悟菩薩之深心。訢世俗之塵緣。登沙門之種姓。生身
父母。藉戒力以超昇。剃度師僧承戒光而薦度。四恩
三有。沾法利於無疆。九界十方矢至誠而擔荷。虛空
可殞。我志不移。普與舍生同歸安養。

代智度願文

稽首十九正覺尊。清淨圓滿妙法藏。成就大悲諸勝
士。惟願慈悲同護持。弟子性泓及法界舍識。自迷本
性執此妄緣。智眼昏盲襟懷狹劣。不求正法。不慕大
乘。愛戀娑婆猶豫淨土。種種惑業難可具陳。設不革